

*MASTER  
NEGATIVE  
NO. 92-80599-5*

MICROFILMED 1992

COLUMBIA UNIVERSITY LIBRARIES/NEW YORK

as part of the  
"Foundations of Western Civilization Preservation Project"

Funded by the  
NATIONAL ENDOWMENT FOR THE HUMANITIES

Reproductions may not be made without permission from  
Columbia University Library

## COPYRIGHT STATEMENT

The copyright law of the United States -- Title 17, United States Code -- concerns the making of photocopies or other reproductions of copyrighted material...

Columbia University Library reserves the right to refuse to accept a copy order if, in its judgement, fulfillment of the order would involve violation of the copyright law.

*AUTHOR:*

KRAWCZYNSKI, EUGEN

*TITLE:*

DE HIATU PLAUTINO

*PLACE:*

VRATISLAVIAE

*DATE:*

1906

Master Negative #

92-80599-5

COLUMBIA UNIVERSITY LIBRARIES  
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

BKS/PROD Books FUL/BIB NYCG92-B31748 Acquisitions NYCG-PT  
Record 1 of 0 - Record added today  
+  
ID:NYCG92-B31748 RTYP:a ST:p FRN: MS: EL: AD:05-06-92  
CC:9668 BLT:am DCF:? CSC:? MOD: SNR: ATC: UD:05-06-92  
CP:cs L:lat INT:? GPC:? BIO:? FIC:? CON:???  
PC:s PD:1906/ REP:? CPI:? FSI:? ILC:???? II:?  
MMD: OR: POL: DM: RR: COL: EML: GEN: BSE:  
040 NNC=1cNNC  
100 1 Krawczynski, Eugen.  
245 10 De hiatu Plautino=1h[microform]. =1bDissertatio inauguralis quam...=1cp  
ubl  
ice defendet Eugenius Krawczynski.  
260 Vratislaviae, =1bR. Nischkowsky, =1c1906.  
300 56 p.  
LDS ORIG  
Restrictions on Use: QD 05-06-92

-----  
TECHNICAL MICROFORM DATA

FILM SIZE: 35mm

REDUCTION RATIO: 11x

IMAGE PLACEMENT: IA IIA IB IIB

DATE FILMED: 6-8-92

INITIALS m.D.C.

FILMED BY: RESEARCH PUBLICATIONS, INC WOODBRIDGE, CT





**AIIM**

**Association for Information and Image Management**

1100 Wayne Avenue, Suite 1100  
Silver Spring, Maryland 20910



301/587-8202



**Centimeter**



**Inches**



MANUFACTURED TO AIIM STANDARDS  
BY APPLIED IMAGE, INC.

h. ca. 150

# De hiatu Plautino

## Dissertatio inauguralis

quam amplissimi philosophorum  
Vratislaviensium ordinis consensu et auctoritate  
ad summos in philosophia honores  
rite capessendos

die XIII mensis Iunii anni MCMVI hora 12

publice defendet

**Eugenius Krawczynski**

Posnaniensis

Idem oratione ostendet,  
quot histriones egerint Aeschyli Prometheus



**Vratislaviae**

R. Nischkowsky

MCMVI

De dissertatione probanda ad ordinem rettulit  
Franciscus Skutsch

Francisco Skutsch  
sacrum



Varias vias ingressi sunt viri docti, ut quaestionem intricatissimam de hiatu Plautino, quatenus ab ipso poeta admissus esset, quatenus librorum scriptorum corruptelis invecus, solverent. Tamen nemini contigisse arbitror, ut, quae ipse sibi persuaserat, etiam aliis praeter paucos persuaderet, ne Hermannio Iacobsohno quidem, qui in dissertatione Gottingensi anni h. s. IV. (Quaestiones Plautinae metricae et grammaticae) ultimus de hac re egit<sup>1)</sup>. Tantum acuminis et diligentiae si quis frustra impensum esse viderit, dubitabit credo, num omnino de hiatu ita cum fructu disputari possit, ut aut singuli loci hiantes ad unum omnes in examen vocati criticae pertractentur aut omnes ad certas quasdam regulas redigantur. Certe operae pretium videbatur novam quandam viam tentare ab hac et ab illa diversam, qua in via nec verendum erat, ne praecudicatis opinionibus de hoc vel illo hiatus genere sive admissio sive exclusio irriter, nec timendum, ne crisis in singulis locis factitandae difficultatibus succumberem. Iussit me igitur F. Skutsch eas comoediarum Plautinarum partes, quae et in Ambrosiano et in Palatinis servatae sunt, pertractare eo consilio, ut locis qui in altera recensione hiatus habent, in altera non habent, congestis appareret, et quantum auctoritatis lectionibus hiantibus tribuendum esset et qua via hiatus irrepsisset, siquidem eum irrepsisse demonstrari posset. Ego etsi omnibus fere locis lectionem non hiantem vel hiatus defensoribus per se probari crediderim, tamen in unoquoque versu, quoad fieri potuit, id operam dedi, ut argumentis confirmarem lectionem non hiantem genuinam esse<sup>2)</sup>.

<sup>1)</sup> Admittendos esse censet hiatus in arsi quarta senarii iambici, secunda et sexta septenarii trochaici.

<sup>2)</sup> Numeros versuum attuli secundum editionem a Goetzio et Schoellio curatam.

A. Pars Prior.

Hiatus in P, nullus hiatus in A.

Caput I. Hiatus invasit, quia exciderunt vocabula tota in archetypo Palatinorum.

§ 1. Vocabula, quae omiserunt Palatini, per haplographiam in eorum archetypo exciderant.

Vocabula non in A adiecta esse ad tollendos hiatus, sed iam exstitisse in archetypo communi facile apparebit in eis versibus, quos primo perlustrabimus. Nam cum lectio hians aut metrum aut sensum habeat corruptum aut parum congruat cum consuetudine sermonis Plautini, confirmatur non adiecta esse vocabula in A, sed excidisse in P.

a) Iam ad eos versus accedamus, in quibus lectionem non hiantem veriore esse argumentis confirmare possumus.

Capt. 907

nunc ibo | ut praefecturam | et ius dicam larido

Sic P, quae falsa esse in promptu est. A exhibet

nunc ibo, ut pro praefectura mea ius dicam larido.

Praepositionem *pro* opinor primum excidisse per haplographiam, tum librarium ea effecisse, quae tradunt Palatini.

Cas. 599 sq.

nempe tute dixerat

tuam arcessituram esse | uxorem meam.

Sic P, at in A legitur

tuam accersituram esse uxorem uxorem meam,

quae confirmantur versu Cas. 613 sq. *ego iam per hortum iussero || meam istuc transire uxorem ad uxorem meam.*

Epid. 671 hac est specie

in P: quôt illic hodie mē | exemplis ludificatust atque te,

in A: quôt illic homo hodiē me exemplis ludificatust atque te.

Apud Plautum *illic homo* saepissime usurpari constat (locos congerit Luchs Herm. VI p. 278 sq.); moneo autem in v. 666 de eodem viro item dictum esse *illic homo: satin illic homo ludibrio nos... habet?* Itaque exploratum est librarium a priore syllaba vocis *homo* ad vocem *hodie* oculis aberravisse. Cf. Epid. 26 *hominem hodie* P, *hodie* A cum hiato.

Men. 560 sq.

ubi vir compilet clanculum quidquid domist

atque | ad amicam deferat? ≠ quin tū taces?

Sic P cum hiato, at in A alter versus talis exstat:

atque ea ad amicam deferat? ≠ quin tū taces?

Ambrosiani lectionem Brix-Niemeyer comparant cum vss. Rud. 356 sq. *auferre voluit || in Siciliam et quidquid domi fuit in navem imposi(v)it || ea nunc perierunt omnia.* Lectionem non hiantem ex usu Plautino esse praeterea demonstratur eis, quae dixit Bachius in Studem. Stud. II, 366 sq. In versu autem nostro quod scriptum erat *atqueaad*, facile *ea* interciedere potuisse apertum est.

Most. 780 sq. tales sunt in P:

nam miliones milos clitellarios

habent, ego habeo | homines clitellarios.

Nullum hiatum habet A, qui codex tradit:

habent, at ego habeo homines clitellarios.

Hic quoque in promptu est *at* post *habent* facile excidere potuisse, lectionem autem Ambrosiani confirmaverim versibus Rud. 400 sq. *nam multa praeter spem scio multis bona evenisse || ≠ at ego etiam qui speraverint spem decipisse multos.* Stich. 159 sq. *nam illa me in alvo menses gestavit decem || at ego illam in alvo gesto plus annos decem.* Stich. 694 *Batiochis bibunt, at nos nostro Samiolo poterio.*

Poen. 921

quae audivistis modo, nunc si eadem hic iterum iterem, inscitiast.

Sic A, cum Palatini et sensum et metrum habeant corruptum: quae audivistis modo, nunc si eadem hic iterum, inscitiast.

In hoc versu ex *iterumiterem* factum est *iterum*, in versu quem nunc afferam ex *malomale* factum est *malo*.

Pseud. 197

lánios, qui item ut nós iurando iure malo male quaerunt rem, audi A lánios qui item ut nós iurando iure malo quaerunt rem | audi P.

Lorenz ad h. v. confirmat lectionem non hiantem his locis: Men. 602 *viro malo male nuptam*, ib. 977 Cas. 826 Pseud. 784. 909 b. 1006.

Pseud. 642

reddere hoc, non pèrdere | erus misit. non certó scio.

Sic P, ubi *me*, qua vocula sententia prior carere non potest, facile per haplographiam ante *misit* excidere potuisse apparet. In A codice, qui *me* servavit et pro *non* exhibet *nam*, videtur fuisse *me iussit*, litteras vero *iussit* incertas esse testatur Studemundus. Editores consentiunt Plautum scripsisse:

reddere hoc, non perdere erus me misit. nam certo scio.

\*Stich. 373

venit inquam ≠ tūtin ipsus ipsum vidisti ≠ lubens.

Sic A. In P *ipsus* ante *ipsum* intercidit, et ante *lubens* legimus *ita ego*, pro *tutin* autem *tun eum*:

venit inquam ≠ tun cum ipsum vidisti | ≠ ita ego libens Locos, quibus *ipsus ipsum* redeat, non repperi; firmatur autem ea locutio similibus velut Pseud. 1142 praesens praesentem, 1260 alter alterum etc., quas conguessit Kellerhoff Studem. Stud. II 58 et Kiessling Mus. Rhen. 23, 411 sq.

β) Eis locis, quos iam afferam, etsi fortasse propriis argumentis demonstrari non potest lectionem hiantem falsam esse, tamen nemo credo dubitabit, quin verior sit lectio non hians:

Poen. 495

nisi | auscultas aut is in malām crucem P

nisi aut auscultas aut is in malam crucem A

Hic apertum est *aut* ante *ausc* facile excidere potuisse.

\* Recepinus etiam eos locos, quibus hiatur in dihaeresi versuum longiorum, in personarum mutationibus, in interiectionibus, sed stellam eis locis ascripsimus.

Stich. 154

séd tamen volo intervisi; própèra | actutum redi P.

In A exitus versus talis est: *propera atque actutum redi*. Hic quoque in promptu est *atque* ante *act* facile intercidere potuisse. Ea vox ante *actutum* redit Cas 295 *intro abi atque actutum uxorem huc evoca ante aedis cito*.

## § 2. Exciderunt vocabula, quia suprascripta erant in archetypo communi.

Transgredior ad aliud corruptelarum genus, cui Palatini quosdam hiatus debent.

α) Loci autem, quibus lectionem hiantem deteriore esse patet, sunt:

Cas 91 et 92 ubi A

quid tū malum me séquere? ≠ quia certūmst mihi, quasi umbra, quoquo tu ibeis, te semper sequi.

At in Palatinis exstat versus posterior in hanc speciem deformatus:

quasi umbra quoquo | ibeis tu te persequi.

Alteram partem versus in archetypo P damnum traxisse vel inde patet, quod ex *semper sequi* aperto errore *persequi* factum est. Atque Ω<sup>1)</sup>, ut opinatur Skutschius, exhibebat:

quoquo<sup>tu</sup> ibeis te semper sequi  
quae recte posuit A, cum P fecerit

quoquo<sup>tu</sup> ibis te semper sequi

ex eis autem  
quoquo ibis te tu persequi

et pronomnibus recte collocatis  
quoquo ibis tu te persequi.

\*Most. 971

qui, postquam pater ad mercatum | ábiit hinc, tibicinam liberavit.

Sic cum hiatu P, at in A legimus:

qui, postquam pater ad mercatum hinc ábiit, hic tibicinam liberavit . . .

<sup>1)</sup> Littera Ω archetypum recensionum A et P communem significavimus.

Quam lectionem veriore esse patet, cf. ib. 957 sq. *postquam hinc peregre eius pater || abiit, nunquam hic triduum unum desitumst potirier*. Discrepantiam autem scripturae inde repeto, quod in  $\Omega$  exstiterit:

hinc  
ad mercatum abiit hic tibicinam.

Alter librarius versum recte restituit, alter pro *hic* ponendum esse *hinc* falso censuit. Nam cum in universum iam Seyffertus Berl. phil. Woch. 1896 p. 252 et 283 monuerit in archetypo communi librariorum vel grammaticos multas voces super versus posuisse, nos quoque nonnulla praeterea eius rei exempla proferemus.

Poen 1147 sq. tales leguntur in A

tu adduc hosce intro et una nutrice[m] simul  
iube hanc abire hinc ad te  $\neq$  fac, quod imperat.

In P legimus

iubē | abire hanc ad te  $\neq$  fac quod imperat.

Itaque probabile videtur exstitisse in  $\Omega$

hanc  
iube abire hinc ad te . . .

Adverbium *hinc*, quod hoc loco idem est atque *a me*, a Plauto saepe cum verbo abundi coniungitur; exempla vide apud Bachium Studem. Stud. II p. 199 sq. et Lodge lex. Plaut. p. 14sq.

\*Stich. 90 speciem habet hanc:

in P: sálve, mi pater.  $\neq$  et vos ambae | ilico agite adsidite,

in A: salve, mi pater.  $\neq$  et vos ambae ilico agite istie adsidite.

Cum versus, qui est in A, in metrum redigi non possit, C. F. G. Muelerus Pros. Plaut. p. 332 putavit scribendum esse: *agite ilico isti* (pro *istic*) *adsidite*, aut: *isti ilico agite adsidite*. Palatini in eo versu carent voce *isti*, quam recte positam esse videntur demonstrare Most. 1064 *ilico intra limen isti astáte*; Merc. 912 *optume advenis: puere cape chlámýdem atque isti asta ilico* (quam lectionem defendit Seyffert, Bursians Jahresber. 47, 101 adn.); Rud. 836 *non cedam potius: illic astate ilico*. Cf. etiam Most. 1143 *surge ego isti adsedero*. Stich. 92 sq. *adside hic pater  $\neq$  non sedeo istic*. Itaque probabile est vocem *isti* in P excidisse et, quia in A in falsa sede est, in  $\Omega$  suprascriptam fuisse.

Truc. 302 sic est traditus in A

ego istunc non novi ádulescentem vóstrum  $\neq$  veron sério.

Consensus autem Palatinorum docet iam in eorum archetypo fuisse:

ego nunc novi | ádulescentem vostrum  $\neq$  veron serio  
qua scriptura sensus foede est corruptus. Itaque ego conicio  
veram lectionem in A restitutam in  $\Omega$  sic scriptam fuisse

non  
ego istunc novi  
quod librarius P perperam in *ego nunc novi* contraxit.

?) Addo locos, quibus vix quisquam negabit lectionem non hiantem praefendam esse, etsi eam propriis argumentis defendere non possum.

Most. 1067 talis est

in P: cuius ego | hic ludificabor corium, si vivo, probe,  
in A: cuius ego hodie ludificabor corium, si vivo, probe.

Leo et Goetzius - Schoellius secuti sunt Ambrosianum. Skutschius autem in scholis censebat fuisse in  $\Omega$

hodie                      hic  
aut: cuius ego hic      aut: cuius ego hodie  
et scribendum esse:

cuius ego hodie hic ludificabor corium, si vivo, probe.

Coniunctionem vocabulorum *hodie hic* Plauto familiarem fuisse docent versus Amph. 334 *metuo vocis ne vicem hodie hic vapulem*, Pseud. 1197 *nihil est hodie hic sycophantis quaestus* P, ubi in A exstat: *nihil est hodie sycophantis quaestus*.

Poen. 701 talis est

in P: ibi té replebo | usque unguentum egeumatis  
in A: ibi ego te replebo usque unguentum geumatis.

Quae praebet A, Leo, qui in mensura inusitata *replebo* non offendit (confert autem Capt. 918 *reclusit*), in textum recepit: *ibi ego te replebo usque* etc. Ego vero, cum inter tot versus Plautinos nusquam alibi *pl* vel *el* vocalem naturae brevem producere videantur, in utroque versu graviter offendo. Atque vocem *ego* in  $\Omega$  suprascriptam fuisse, in A in falsam sedem migrasse, in P praetermissam esse puto; scripserim autem cum Gepperto et Muellero:

ibi te replebo ego usque unguentum cheumatis.

§ 3. Qua via vocabula exciderint, investigari non potest.

Progredior ad eos versus hiantes, in quibus etsi perspicuum est vocabula in archetypo P excidisse, tamen investigare non potui, qua via intereiderint.

a) Atque omnibus fere locis lectionem non hiantem veriore esse apparebit.

Bacch. 489 in A Studemundo teste sine hiatu est  
pérdidisti mé, sodalis. égone ut illam mulierem  
capitis non perdam? . .

at Loewio A videtur idem habere quod P. In P deest *ut*, itaque hiatur in: *égone | illam mulierem*. Cf. Warren Americ. Journ. of Phil. II p. 78 ubi loci afferuntur, quibus *égone ut* usurpatur apud Plautum et Terentium: Aul. 690. Bacch. 637. Pseud. 516. Eun. 771. Phor. 955. Vide etiam Truc. 441 *égone illam ut non amem? égone illi ut non bene velim?*

Cas. prol. 47 in P duo hiatus, quorum alter non est in A  
postquam | adolevit ad eam | aetatem ut viris  
placere posset . . .

Sic P, in A legimus: *postquam ea adolevit* etc. Hic id unum ad tuendam Ambrosiani lectionem dixerim de interpolatione cogitari non posse, quod alter hiatus, qui est post *eam*, relictus est.

Cas. 111

tu | illam ducas? hércle me suspéndio P  
tun illam ducas? herele: me suspéndio A.

Cf. Pers. 135 *tun illam vendas? immo alium adlegavero*.

Plures locos, quibus *tun* sequente vocali redit, conguessit Schrader, Diss. Arg. VIII p. 270, velut Asin. 700. Aul. 756. Bacch. 253. 1163 etc.

Cas. 672

me | occidet? ≠ an quippiam ad te attinét? ≠ vah P.

Caput versus tale est in A: *men occidet*. Locos, quibus *men* ante vocalem positum est, vide apud Schraderum, l. c. p. 271. Cf. e. gr. Men. 786 *men interrogas?* 1050 *men hodie usquam convenisse te, audax, audes dicere?* Poen. 368. Stich. 254 etc.

Epid. 5

cérte | oculis úteris P  
satis recte oculis uteris A.

Cf. Mil. glor. 799 *ego recte meis auri(bu)s ut(or)*. Plures locos attulit Leo ad Epid. 5.

Epid. 246

quid ego ex te audio?

≠ hóc quod actumst. égomet postquam id illas audiavi loqui.

Sic A, in P versus alter caret copula est, itaque hiatus in: *hoc, quod actum. | egomet* . . . Cf. Amph. 698 *vigilans id, quod factumst, fabulor*. Amph. 599 *ordine omne ut(i) quidque actumst, dum apud hostis sedimus*. Bacch. 1097 *omniaque, ut quidque actumst, memoravit*. Trin. 578 *die hoc negoti, quomodo actumst. ≠ ibitur*. Quibus locis lectio non hians videtur satis confirmata. Moneo autem Plautum raro copulam omisisse, cf. Ritschelii Proleg. p. 107 sqq. E. Baumann, De Terentiano verbi substantivi usu Progr. Mannheim 1890. Imprimis vero copula semper posita videtur in enuntiatis relativis, sed exempla huius rei afferre longum est.

Epid. 475

age áccipe hanc sis ≠ quae | intemperiae tenent?

Sic P, at in A est talis exitus eius versus  
quae te intemperiae tenent?

Meliorem fieri sensum in A patet, cf. praeterea Mil. glor. 434 *tibi ego dico, heus Philocomasium ≠ quae te intemperiae tenent?* et Aul. 71 *nescio pol, quae illunc hominem intemperiae tenent*. Vide Langen Symb. p. 107 et Lorenz ad Mil. glor. 434.

Epid. 490

nam pró fidicina | haéc supposita | ést tibi.

Sic P, at in A legimus

nam pro fidicina haec cerva supposita est tibi,  
ubi vox *cerva* quam facete a Plauto (sive a poeta Graeco) posita sit, neminem fugit.

\*Epid. 550

nóvin ego te? ≠ si égo te novi, | ánimum inducam, uti noveris P,  
novin ego te? ≠ si ego te novi, ánimum inducam, ut tu noveris A.

In hoc versu *ut tu noveris* opposita sunt vocibus *si ego te novi*. Pro *ut tu* autem saepius scriptum est *ut*, vide § 15 ad Pers. 433 sq.

Epid. 622

haéc est. estne | út tibi dixi? aspécta haec contempla Épidice P  
haec est. estne ista ut tibi dixi? aspecta et contempla Epidice A  
ubi pro *ista* recte scripserunt viri docti *ita*. Lectio Ambrosiani commendatur usu Plantino, qui cognoscitur his locis: Trin. 1132 *est ita ut tu dicis*, Capt. 124 *ita ut dicis*, Capt. 677 sq. *fateor omnia || facta esse ita ut (tu) dicis*. Most. 95 *profícto esse ita út praedicás vera víncam*. Cf. etiam Trin. 306. 307. 1098.



Men. 301

neque hērcle | habeo nēque te, quis homo sis, scio P  
neque hercle ego habeo neque te, qui homo sis, scio A.

Cf. versum 509 ab eodem Menaechemo dictum: *neque hercle ego uxorem habeo neque ego Erotio | dedi nec pallam surrupui* etc. Conferas velim etiam Asin. 37 *neque hercle ego istuc dico nec dictum volo*. Aul. 764 *te abstulisse* ≠ *neque edepol ego dixi neque feci* ≠ *negas?* Frg. XLI (Goetz-Schoell) *neque ego ad mensam publicas res clamo neque leges crepo*. Men. 630 *neque edepol ego prandi neque hodie huc intro tetuli pedem*. In eis omnibus versibus prius enuntiatorum colon habet *neque ego* alterum *neque*.

Merc. 461

cērtumst? cēsen cērtum | esse? quin ad navem iam hinc eo P.

In A prior pars versus talis est:

cērtumnest? cēsen certum esse?

Quam scripturam praestantiorē esse docent exempla haec: Capt. 732 *certumnest tibi istuc?* ≠ *non moriri certius*. Cist. 509 *satin istuc tibi in corde certumst?* ≠ *quin ego commentor quidem*. Poen. 496 *malam crucem ibo potius* ≠ *certumnest tibi?* Stich. 141 *certumnest neutram rostrarum persequi imperium patris?* Stich. 613 *certumnest?* ≠ *certum* ≠ *edepol te hodie lapide percussum velim*. Quibus locis *certumnest* traditum est, at in uno illo versu in quo legimus *certum est?* (Pers. 221) *quid ais? certum est celare, quō iter facias, pēssuma* Leo post Camerarium edidit: *certumnest*. In v. Asin. 308, ubi *certumst credere?* Goetz-Schoell., Leo signum interrogationis non posuit.

Mil. glor. 791

itaque eam huc ornātam adducas ēx matronarū modo A  
itaque eam huc ornātam | adducās matronarū modo P.

In P habemus versum vitiosum, nam caret dihaeresi, in A quae traduntur, confirmantur versu Cist. 562 sq. *ubi ex Tusco modo || tute tibi indigne dotem quaeras corpore*. Vide Brix-Niemeyer ad Mil. glor. 791.

Mil. glor. 256

cito domum transire | atque | haec ei monstra, praeci-pe P  
vel cum uno hiatu pro duobus, si ei legeris. Lectionem A codicis: cito domum transire atque haec ei dice, monstra, praeci-pe A possum confirmare versu Capt. 359 *nunc tu illum si illo es missurus, dice, monstra, praeci-pe*, ubi *monstra* pro *demonstra* recte emendavit Camerarius. Similia autem exempla triplicationis reperiuntur in vss. Capt. 895. Pers. 331. Trin. 225. 238. 289. 386.

863 et in multis aliis, e quibus praeter cetera ad rem nostram facit Trin. 854 *quae voluit, mihi dixit, docuit et praemonstravit prius*.

Mil. glor. 1409

loquere. ≠ non volui nec factumst. viduam | esse cēnsui P,  
loquere. ≠ non volui nec factumst. viduam hercle esse cēnsui A.

In hoc versu *hercle* eadem est notione, qua *nam*, sicut in versu Epid. 116 *si hercle haberem*. Vide Hand Turs. III p. 58.

\*Most. 673

non in loco emit pērbono | ? ≠ immo optūmo P,  
non in loco emit perbono? ≠ immo in optūmo A.

Geppertus Stud. II p. 5 sq. defendit scripturam hiantem, quod ea evitetur falsus diiambus, qua de opinione non est, cur verbum addam. At scripturam non hiantem satis confirmatam esse puto versu Amph. 805 *in eodem lecto* (sc. accubuisti)? ≠ *in eodem* ≠ *non placet convivium*. Plures eius generis versus attulit Abraham Stud. Plaut. p. 185 adn. 1, quibus docet, si quis tali modo (quali Most. 673) interroget vel respondeat, praepositiones apud Plautum repeti solere.

Most. 767—769 tales sunt in P

sol sēmp̄r hic est usque a mane ad vēsperum,  
quasi flagitator astat usque ad ostium  
nec mi umbra | usquamst, nisi si in puteo quae-piamst.

Quorum versuum primo melius respondet versus tertius, qualis est in A:

nec mi umbra hic usquamst, nisi si in puteo quae-piamst.

Most. 793

quid nūc? ≠ vise spēcta tuō | arbitrātu P  
quid nunc? ≠ vise specta tuo usque arbitrato A<sup>1)</sup>.

In eo versu *usque* idem est atque *quam diu voles* (cf. Lorenz ad h. v.), quae ad sensum aptissima sunt. Cf. Bacch. 1126 *deridere nos* ≠ *sine suo usque arbitrato*, ubi habemus idem metrum et simillimum exitum versus.

\*Most. 937 sq.

heus reclude, heus Trānio, etiamne āperis? ≠ quae haec est fābula?  
≠ etiamne aperis? Callidamati nostro advorsum venimus.

<sup>1)</sup> Nam nil moror, quod A *visa* scripsit et personae spatium ante *tuo* habet.

Sic A. In posteriore versu Palatini exhibent *etiamne*, in priore *etiam* cum hiatu. Ante vocalem saepissime in codicibus Plautinis *etiamne* legitur (Schrader p. 289 locos 17 attulit). Quare nostro quoque loco eam formam interpolatori vix quisquam tribuat.

Most. 950

nón hic Philolachés adulescens hábitat hísee | aédibus.

Sic P, cum in A legamus in exitu versus: *hísee in aedibus*. Hoc ex usu Plautino esse docent exempla, quae larga manu promere possum velut Amph. 97. Cas. 36. Men. 307. 820. Most. 402. Poen. 78. 95. Trin. 12. Vid. 58 et multa alia.

Most. 1016 sq. tales sunt in P

quid autem? ≠ quod me | ábsente | hic filius  
negóti gessit ≠ mécum ut ille hic gésserit

Versus prior talis est in A

quid autem? ≠ quod me absénte hic tecum filius.

Lectionem hiantem nemo defendet.

\*Pers. 183 sq.

sátin haec tibi sunt plána et certa? sátin haec meministi ét tenes?  
≠ melius quam tu, qui docuisti. ≠ ain vero, verbereum caput.

Sic A; vocem *tu*, quam recte se habere sententiarum ratio docet, omiserunt Palatini:

melius quam, qui docuisti | ≠ ain vero, verbereum caput.

Pers. 298

nam umbrá mea | intus vápulat ≠ ut istúne di deaque pérđant P

In A nullus est hiatus et sententia aptior, praecedit enim:  
*potin abeas? ≠ abigis facile:*

nam umbra mea iam intus vapulat. ≠ ut etc.

Pers. 529. Dordalus v. 520 sqq. recitat epistulam:

iste qui tabellas ádfert, adduxit simul  
forma expetenda liberalem virginem  
furtivam, abductam ex Arabia penitissima eqs.

Idem postquam recitavit tabellas, quaerit v. 529

(iám mihi credis? ≠) ubi nunc illest hóspes qui hasce huc áttulit?

Sic A. Ea meliora sine dubio sunt quam quae sunt in P:

iam mihi credis? ≠ ubi nunc illest hospes qui | hasce attulit.

Cf. Bacch. 1121b *Quis hásce huc ovis adégit?* Pseud. 1131 *Venus mihi haéc bona dat, quom hosce húc adigit.*

Pers. 549

sátin Athenae tibi sunt visae fórtunatae atque ópiparae? A.

In P deest *sunt*, itaque versus caret dihaeresi et repugnat legi dipodiarum sive sic legimus:

• sátin Athenae tibi visae fórtunatae | atque ópiparae? P  
sive sic: *fortunatae atque | opiparae?*

\*Pers. 576

quid agis hospes? ≠ vénio adduco | hánc, ut dudum dixeram P,  
quid agis hospes? ≠ venio adduco hanc ad te, ut dudum dixeram A.

*Adducere ad te (me, nos)* cum accusativo obiecti saepe usurpatur: Bacch. 527. Epid. 294. Merc. 562. 904. Poen. 646. 658. Pseud. 698. 757. 867. Rud. 497. 1210. Truc. 114.

Poen. 362

dúm te exspecto néque | usquam aliam míhi paravi cópiam P,  
dum te exspecto neque ego usquam aliam mihi paravi copiam A.

Leo, Anal. Plaut. I 24 sq. complures versus attulit, in quibus pronomen velut *ego*, quod ἀπὸ χοινοῦ positum est, secundo verbo appositum est, cf. e. gr. Asin. 141. Curc. 175. Epid. 217. Mil. 642. Etiam noster versus a Leone affertur.

\*Poen. 594

sátis praeceptum | ≠ hic trecentos númmos numeratós habes P.

In A legimus: *satis praeceptumst* ≠ *hic trecentos etc.* Cf. Bacch. 158 *satis historiarumst.* ≠ *hic vereri perdidit.* Capt. 125 *sed satis verborumst: cura quae iussi atque abi.* Cf. etiam, quae ad Epid. 246 adscripsi supra p. 9.

Poen. 706

quin hércle accipere tú non mavis quam égo dare.

Sic A. In P legimus cum hiatu: *qui | hercle accipere etc.* Lectionem autem non hiantem confirmaverim versibus, quos attulit Kienitz, De quin particulae apud priscos scriptores latinos usu Progr. Carolirubae 1878, p. 8: Cas. 609 *quin hércle di te pérđant postremo quidem.* Truc. 327 *quin hércle lassus iám sum durandó miser.*

Pseud. 371

ecquid tē pudet?

‡ tēn amatorem esse inventum inanem quasi cassam nucem.

Sic A. In P autem legimus: *te | amatorem etc.* Olim scriptura *ten* offensioni erat Ritschelio, qui *ted amatorem* scribendum esse censebat, postea in Nov. exc. Plant. I p. 44 scripturam *ten amatorem* praetulit. Offensioni erat *ten*, quod ea sententia pendet ex verbo *pudet* versus prioris. At confirmatam videmus lectionem non hiantem versu aliquo a Cicerone allato, ad quem delegavit Warren, qui de versu nostro in Americ. Journ. of Phil. II p. 55 sqq. fusius egit. Versus est:

Cic. de Div. I 31, 66 (= Enn. trag. 47 Ribb.): hoc dolet  
mēn obesse, illōs prodesse, me obstare, illos obsequi.

Pseud. 373

nisi mihi hodie attulerit miles quinque, quas debet, minas,  
sicut haec est praestituta summa ei argento dies.

Sic A. In versu priore Palatini non habent *hodie*, quam vocem recte exstare in A e versu posteriore elucet. Palatini igitur hiant in secunda arsi:

nisi mihi | attulerit miles quinque, quas debet, minas.

Pseud. 375

si is non aderit, posse opinor facere | officium meum P,  
si id non adfert, posse opinor facere me officium meum A.

Versus Palatinorum etiam caput habet corruptum, itaque credibile est *me* corruptela excidisse, etsi lectio hians non repugnat usui Plautino, nam *me te eum eam* interdum in accusativi cum infinitivo structuris omittuntur. Vide Votseh, Quaestiones de infinitivi usu Plautino Diss. Hal. II 1876 p. 51 sq.

Pseud. 655 talis est in A secundum Loewium

hōstis vivos rāpere soleo ex acie, ex hoc mihi nōmen est;  
Studemundo videtur *eo hoc* pro *ex hoc* fuisse in A. In P cum neque *eo* neque *ex* traditum sit, sensus fit deterior:

hōstis vivos rāpere soleo | ex acie hoc nōmen mihi<sup>1)</sup>.

<sup>1)</sup> Neutra recensione verum traditur, tamen lectio non hians videtur in archetypo fuisse:

Pseud. 856

ut nōstra properes amoliri | omnia P,  
ut nostra properes amoliri devita omnia A,

Pseud. 866 sq. tales leguntur in A (nisi quod *doce* addidi ex P) habe mōdo bonum animum ≠ quāso, qui possūm, doce, bonum animum habere, qui te ad me adducam domum?

In P metrum et sensus graviter turbantur voce *bonum* in posteriore versu omissa:

animum | habere qui te ad me adducam domum.

Pseud. 1216

simbolum qui | hōc accepit. mira sunt ni Pseudolust P,  
sumbolum qui ab hoc accepit. mira sunt ni Pseudolust A.  
Hic meliorem praebere sensum in A patet.

Pseud. 1315

ego | istum onerem? ≠ onerābis scio P,  
egone istum onerem? ≠ onerabis scio A.

Cf. Amph. 747 *égone istuc dixi?* ≠ *tute istic etiam adstante hoc Sósia*. Most. 923 *égone te ioculó modo ausim dicto aut facto fallere?* 924 *égone abs te ausim nōn cavere, né quid committam tibi?*

\*Rud. 576

tégillum eceillud mihi unum | aret, id si vis dabo P.  
In A nullus hiatus et sententia melior  
tegillum eceillum, mihi unum id aret, id si vis dabo A.

Stich. 363

tūm tu igitur, qua cāsa missus es ad portum, | expedi P.

In A vero legimus: *es ad portum, id expedi*. Plautum autem scripsisse opinor: *id mi expedi*. Cf. Becker, Studem. Stud. I 115 sqq. ubi versus congesit, in quibus *id* vel *hoc* cum verbo,

litteris vero *devita* in A incertis. Friderico Leoni duplex lectio latere videtur: *amoliri omnia* et *amoliri de via*. Alii autem (Ritschel, Goetz, Ussing) cogitaverunt de: *amoliri hinc omnia*, quae confirmata videntur versibus Merc. 384. Most. 371. 391. Pseud. 557. Truc. 630, quibus locis omnibus *amoliri* cum adverbio *hinc* coniunctum legitur. Hic adiunxerim:

Cas. prol. 55

filius autem armigerum | allegavit suum P,  
filius is autem armigerum | adlegat suum A.

In utroque versu hiatur. Palatinorum lectio non potest in metrum cogi; editores consentiunt Plautum scripsisse

filius is autem armigerum allegavit suum.

Leo attulit ad hunc versum Cas. 767 *vilicus is autem cum corona . . . ambulat*.



ex quo pendet interrogatio obliqua, coniungitur, velut Bacch. 716 *quid nunc es factururus, id mihi dice* Pers. 215 sq. *hoc mi expedi, quo agis?* Poen. 1131 *novi. sed ubi sunt meae gnatae, id scire expeto.* Cf. etiam Cas. 1012 *spectatores, quod futurumst intus, id memorabimus.*

Stich. 431

amicam ego habeo Stephanium hinc ex proximo A,  
amicam ego habeo Stephanium | hinc proximo P.

In P metrum graviter turbatum, *ex proximo* autem Plautinum esse docent Bach in Studem. Stud. II 196 et Pradel, Ann. phil. suppl. 26, 541<sup>1)</sup>.

Stich. 478

aliūm convivam quaérito tibi in hūnc diem.

Sic A, in P quia deest *tibi*, oritur falsus diiambus  
aliūm convivam quaerito | in hunc diem.

*Quaerere sibi* saepius redit velut Cist. 563 *tute tibi indigne dotem quaeras corpore.* Pseud. 23 *ut opinor, quaerunt litterae hae sibi liberos.* Rud. 874 *ut id quod quaerant inveniant sibi* ἀπὸ τοῦτοῦ.

Stich. 482

valeās ≠ certum | est? ≠ certum . cenabó domi P,  
valeas ≠ certumnest? ≠ certum . cenabo domi A.

Hic lectio hians vel ideo reicienda est, quod metrum graviter turbatur. Ceterum confer ea, quae dixi ad Merc. 461 pag. 10.

Stich. 703 sq. tales leguntur in P  
nimium lepide in mētem venit . pótius [quam] in subséllio  
cynice | accipimur quam in lectis ≠ immo enim magis hic dulcius.

At in A alter versus talis est  
cynice hic accipimur quam in lectis ≠ immo enim nimio hic dulcius<sup>2)</sup>.

Vocem *hic* autem aptissimam esse ad sensum indicat alterum  
*hic*, quod est in exitu versus.

<sup>1)</sup> Similiter Mil. glor. 1136 in P nullum metrum: *una exeuntis video | hinc proximo.* A habet: *video hinc ex proximo.* *Ex proximo* secundum Pradelium apud Plautum invenitur: Asin. 53. Aul. 171. 290. 400. 403. Cas. 687. 1013. Men. 790. Mil. 472. 1136. Stich. 431.

<sup>2)</sup> *lecticis* AP, corr. Pius. Ergo hic locus ex eis est quibus demonstratur A et P ex eodem archetypo fluxisse, cf. § 8 Pers. 591.

Trin. 282.

neque in via neque in foro ullūm sermonem | éxsequi P.

Scabrities numerorum velut accentus *ullūm* tollitur in A, qui codex *necūllum* exhibet, ut iam Bergkiius versum emendaverat codice A nondum reperto:

neque in via neque in foro necūllum sermonem éxsequi A.

Duplex autem negatio exstat etiam Capt. 76. 405. Epid. 110. Stich. 256. Trin. 134 etc.

Trin. 378

égo | indotatām te uxorem ut pátiar? ≠ patiundūmst, pater P,  
egone indotatam <te> uxorem ut patiar? ≠ patiundumst, pater A.

Cf. ea, quae adnotavi ad Bacch. 489 pag. 8.

Truc. 136 Veram lectionem statim agnosces  
nimis ótiosum | árbitror hominem ésse ≠ qui[nam] arbiträre? P,  
nimis otiosum te arbitror hominem esse ≠ qui arbitrare? A.

Truc. 215

verum ápud hunc mea era súa consilia sūmma eloquitur libere A.

In P deest *sua*, itaque versum vix metiaris nisi hiatu et vitiosa mensura *erā* admissa: *mea* | *erā* consilia.

\*Truc. 228

quēmquem hominem attigerit profecto, | aut malum aut damnum  
dare P,

quemquem hominem attigerit profecto, ei aut malum aut damnum  
dare A.

Vocem *ei* flagitari sententiae ratione constat.

β) Loci, quibus argumenta certa ad confirmandam lectionem  
non hiantem afferre non possum:

Most. 682

bonum aéquomque rogas . i percunctare ét roga A,

bonum aequomque oras . percontare | et roga P.

Prior pars versus rectius servata est in P, cf. Rud. 184  
*bonum aéquomque oras.* Pseud. 389 et Stich. 728 *óptimum atque aequissimum oras.*

Pers. 600

sūo arbitrato ≠ quid stas? adi tute átque | ipse itidém roga P,  
sūo arbitrato ≠ quid stas? adi sis tute atque ipse itidém roga A.

Caput II.

§ 4. Pro forma non hiantē in P irrepsit hians.

Venio ad eos versus, in quibus hiatum in recensio-  
nem Palatinam invecum esse ostendam, quod pro forma non hiantē,  
quae fuit in Ω et servata est in A, in archetypum Palatinorum  
irrepsit hians.

α) Atque veriore esse formam non hiantem certis argumentis  
demonstrari potest his locis:

Bacch. 535

certe is est ≠ is ést ≠ adibo cōtra | et tollām gradum P.

Locutio *tollere gradum* nusquam apud Plautum redit. Notum  
est *contollere gradum* ex v. Aul. 814 *contollam gradum*. Itaque  
recte exhibet A:

certe is est ≠ is ést ≠ adibo cōtra et contollam gradum A.

Cf. ad Stich. 293 pag. 24.

Cas. 114 Chalinus ait

ex stēculino effōsse, tua illaec praēda sit.

Sic A. In P sensus est corruptus

ex stereulino effosse, tua illaec praeda | est.

Cas. 590

miserrimum hodie | hūne ego habeo amāsium P.

miserrimum hodie ego hūne habeo amāsium A.

Futurum commendatur versu praecedente: *iam pol ego huic  
aliquem in pectus iniciam metum*. Praeterea si quis minatur,  
Plautus *hodie* cum futuro tempore coniungit, velut Amph. 264  
*neque ego hunc hominem hodie in aedis has sinam unquam  
accedere* 348. 357. 398. 426. 454. 583. 589. 1030. 1043. et  
multis aliis locis.

\*Epid. 621

hic est danista, haec illast autem, quam égo emi de praeda ≠  
haecinest.

Sic A, in P numeri faciliores sunt, quia deest *ego*. Pro *de*  
in P legitur *ex*, itaque hiatur:

quam émi ex praeda | ≠ haecinest.

De eo versu uberius egit Abraham Stud. Plant. p. 201. Ibi  
compluribus locis congestis docuit Plautum cum ablativo *praeda*  
praeter has duas praepositiones *de* et *cum* nullam coniunxisse.  
Sane Leo in v. Epid. 608, quem corruptum esse constat, coniecit:

*empta ex praeda*, quae cum nullo loco Plautino confirmetur,  
probari non possunt.

Men. 258 sic legitur in Palatinis

natio Epidamnia nam ita est hec hominum,  
quae vulgo mutata sunt in

nam ita ést haec hominum natio | Epidamnia.

Quae falsa esse patet, nam post pronomen demonstrativum  
*haec* non est opus adiectivo *Epidamnia*. In A autem habemus:  
nam ita est haec hominum natio: in Epidamnieis  
voluptarii atque potatores maxumei.

Merc. 259

insecēdo in lembum | átque ad navem dévehor A.

In P duo sunt hiatus pro uno, quia in exitu est *ad navem* |  
*advehor*. Melius ad rationem sententiae videtur esse *devehor*.  
Facile vero corruptela nasci potuit propter *ad navem* et quia  
exstat in v. 257 *advectus* et in v. 261 *advexit*, quae verba illic  
recte sunt posita.

Most. 676 sq.

ecce autem perii. nūnc, quid dicam, néscio.

iterum iam ad unum sáxum me fluctus ferunt.

Sic A, in P prior versus tali est specie

ecce autem | iterum nūnc quid dicam nescio  
ubi voce *iterum* sensum fieri deteriore patet. F. Schoellius in  
appendice editonis maioris ad hunc versum ait *iterum* ex versu  
posteriore (677) petito esse.

Most. 1053

pérgunt turbare úsque, ut ne quid póssit co(n)quiescere) A.

Haec lectio vera turbatur in P voce *sit* pro *possit* invec-  
ta: pérgunt turbare úsque | ut ne quid sit conquiescere.

Poen. 494

colaphis quidem hercle túum iam | elidám caput P,

colaphis quidem hercle tuum iam dilidam caput A.

A praebet *elidam*, quod recte in *dilidam* mutaverunt viri  
docti, nam ad sensum melius esse *dilidere* entzweischlagen  
quam *elidere* heraus schlagen (cf. Mil. glor. 167 talos elidi iussit  
Rud. 659 iube oculos elidere) patet.

Poen. 582 sic legitur in A lacunis secundum Studem. expletis  
próbus homost ꝥ adeámus propius. ádsunt testes ꝥ tot quidem.

In P exstat *adeam*, cui formae ut *adeamus* praefatur,  
commendatur sensu:

próbus homo | est ꝥ ádeam prop[r]ius. ádsunt testes ꝥ tot quidem.

Cf. autem (si necesse est talia testimoniis confirmari) Pseud. 749  
*probus homost, ut praedicare et audio ꝥ immo si scias.* Bacch. 557  
*nequam homost, verum hercle amicus est tibi ꝥ tanto magis.*  
Capt. 461 *miser homost, qui ipse sibi, quod edit, quaerit et id*  
*aegre invenit.* Capt. 812 *satur homost, habet profecto in ventre*  
*confidentiam.* Most. 354 *ecquis homost, qui facere argenti cupiat*  
*aliquantum lucri.*

Poen. 1162 in P cum hiato *illi pro illis*

quid si éamus illi | óbviám? ꝥ at ne intérvias.

In A: *illis obviam* id est: filiabus, cf. v. 1160.

Poen. 1369

malum postremo | ómne ad lenoném redit P  
malum postr(em)o omne ad lenonem reccidit A.

Studemundus in Nov. ann. 1866 p. 63 adn. ad probandam  
Ambrosiani lectionem attulit Men. 520 *omnes in te istaec recident*  
*contumeliae.*

Poen. 1381

qui hasce émi ꝥ et tute ipse peri(i)sti, Lyce A,  
qui hasce émi ꝥ et tu | ipse peri(i)sti, Lyce P.

Cfr. Capt. 581 *quia tute ipse egres in patria nec tibi qui*  
*vivas domist.* Cure. 254 *tute ipse siquid somniasti ad me refers.*

Pseud. 1142 *quid iam? ꝥ quia tute ipse coram praesens prae-*  
*sentem vides.*

Pseud. 33 Calidorus Pseudolum alloquitur his verbis:

immo égo tacebo, tú | hinc ex cerá cita P,  
immo ego tacebo, tu istine ex cera cita A.

Cum Pseudolus iamdudum ceram, ex qua citare iubetur,  
manibus teneat, pronomen *hinc* ferri non potest.

Pseud. 133

exite, agite éxite ignavi male | habiti et mále conciliati.

Sic A cum uno hiato. In P duo hiatus: *exite agite ite |*  
*ignavi* etc. Versus Pseud. 133—137 ex anapaestis constant,  
metrum autem anapaesticum forma *ite* turbari patet. Cf. ad  
Stich. 293 pag. 24.

Pseud. 200

dévinxere ad taúrum. item ego te distringam ad carnárium A.

In Palatinis is versus deformatus est in hanc speciem:

devinxere ad taurum item hodie stringam | ad carnarium.

Voce *te* sententia carere non potest, itaque deterior est lectio  
Palatinorum.

Pseud. 306 sq. A praebet:

nón est iustus quisquam amator nisi qui perpetuát data,  
det, det usque; quando nil sit, simul amare desinat.

Ea locutio eximia atque poeta nostro dignissima, in qua  
vox *det* bis posita tamquam explicat locutionem *perpetuat data*,  
in P turbatur:

détque | usque; quándo nil sit, simul amare désinat.

Pseud. 421 sq. tales sunt in P

atque id iam pridem sénsi | et subolét mihi  
nam dissimulabam . . .

Versum priorem propter *subolet* medicina egere patet,  
veriorē praebet A lectionem:

atque id iam pridem sénsi et subolebát mihi.

Cf. Trin. 615 *propemodum quid illic festinet, sentio et*  
*subolet mihi.*

Pseud. 685. In eo versu Palatini exhibent *venit* cum hiato,  
at sensus flagitat *evenit*, quod verbum praebet palimpsestus:

cérta mittimús, dum incerta pétimus. atque | hoc venit  
in labore atque in dolore, ut mors obrepat interim.

Rud. 219

neque quicquam | unquam his prófuit, qui mé sibi eduxérunt P.

Falsum esse *his profuit* qui neminem fugit (C exhibet *iis*,  
D *us*). A praebet: *neque quicquam unquam illis profuit etc.*,  
etsi litteris *illis* Studemundo teste incertissimis.

Rud. 561 sq. tales exstant in A, quem codicem secutus est Leo:

nescio quem metuéntes miserae nócte hac aiunt próxuma se iactatas atque cicetas hodie esse aiunt e mari.

Hic in duplici *aiunt* quispiam offenderit<sup>1)</sup>, tamen ea lectio melior est quam Palatinorum, altera enim pars prioris versus talis est: *nocte | hac nunc proxima* B, *nocte | hac non proxima* CD.

Stich. 392

praecucurri, ut nuntiarum nuntium exoptabilem.

Sic A cum Prisciano I 533. Palatini praebent cum gravi metri detrimento:

praecucurri, ut nuntiarem nuntium | obtabilem.

Vox *exoptabilis* praeterea ad sensum aptior est.

Trin. 62

ne tu hérele faxo, haud nescias, quam rem égeris A,

ne tu hercle faxo, | haud scias, quam rem egeris P.

Lectionum Palatinorum falsam esse iam cognovit Hermannus, qui scripserat: *faxo nunc scias*.

True. 220

nos divitem | eum meminimus atque iste pauperés nos P.

In A nullus hiatus, quod legitur

nos divitem istum meminimus atque iste pauperes nos A.

Lectionem A codicis veriore esse indicat repetitum *iste* atque v. 218 (idem homo atque in v. 220 dicitur) *iste id habet quod nos habuimus . humanum facinus factumst; iste A, istinc P.*

β) Afferuntur nunc ei loci, quibus lectionem non hiantem veriore esse argumentis propriis confirmari vix potest.

Mil. glor. 210

ápaga . non placét profecto mihi illa<sup>ae</sup> aedificatio.

Sic A, cum Palatini perperam in exitu versus exhibeant: *mihi illam aedificatio*, quae haud scio an scripta sint pro *mihi illa | aedificatio*. Hic commonuerim in codicibus promiscue formas *illum : illunc, illam : illanc, illo : illoc* etc. adhiberi. Vide

<sup>1)</sup> In ea lectione non offendit Sonnenschein, qui ait ad Rud. versum (Rudens p. 123): The repeated aiunt seems to be a vulgarism like our „says he“.

Skutsch, Forsch. I 104 adn. 5 et 141 adn. 1. Id dico ad adiuvandos eos, qui formis *illunc illanc illoc istunc* etc. substitutis hiatui mederi student. Vide etiam Poen. 1061 in hac paragrapho, Stich. 450 et Trin. 520 in § 12 allatos.

Most. 760

nam sibi laudavisse ait has architēctonem A.

Sic A lacunis secundum Studemundum expletis, at B et codex Turnebi praebent:

nam sibi laudasse | hāsce ait architēctonem.

In codicibus Plautinis formas pleniores velut *amavisse* non rarius quam formas contractas velut *amasse* occurrere docet Engelbrecht Wien. Stud. VI p. 235 sqq., vide etiam Brock, Quaest. gramm. cap. duo Iurievi 1897 p. 75 et 119. Memorabile autem exemplum habes etiam in v. Poen. 416, qui propter *evocasti* in P non potest in metrum cogi, at in A, ubi traditur *evocavisti*, recte fluit: *dedi dudum priusquam me evocavisti foras*. Cf. § 15 de Most. 976.

Pers. 696

eam ego út requiram | atque | ut redimám volo P.

In A videtur fuisse, cum uno hiato

eam ego út requiram | atque uti redimám volo A.

\*Poen. 430

i módo ꝑ non herele mére<sup>a</sup> ꝑ oh ꝑ vah ꝑ ábi modo A.

Leo defendit lectionem Palatinorum

i módo ꝑ non herele mére<sup>a</sup> ꝑ oh ꝑ vah | ꝑ ábi modo P  
prolatis vss. Bacch. 1184. Men. 217. Stich. 24, contra quos, ut ait, non satis efficiat Most. 987. Tamen cum ibi *merear* et in A et in P legatur, dubito, quam vere Leo id in *meream* mutaverit. Cfr. Seyffert, Berl. phil. Woch. 1897 p. 714.

Poen. 1061

sed mitto de illo . | ad te redeo . dic mihi P,

sed mitto de illoc . ad te redeo . dic mihi A.

Cfr. quae modo dixi ad Mil. glor. 210.

Pseud. 871

fecisse rursum | éx sene adulescēntulum P,

fecisse rursus ex sene adulescentulum A.

Cf. Pers. 71 *tantidem ille illi rursus iniciat manum* P (in A is versus non servatur). Sed in v. Amph. 797 vocalium concursus: *huic dedisti . post hanc rursus | obsignasti clanculum*.

Stich. 293

ad me adiri et supplicari egomet mihi aequom censeo.

Sic A *adire* in *adiri* correcto. Palatini praebent *ad me | iri et supplicari*. Cf. Bacch. 535 ubi ex *contra et contollam* factum est *contra et tollam*, Pseud. 133 ubi *exite agite exite* immutatum est in *exite agite ite*; quae exempla docent ex verbo composito facile simplex in libris fieri potuisse, si praepositio, quae cum verbo composita erat, alio loco versus iam exstabat. Cf. etiam Epid. 615 *adornas ad fugam* P recte, *adornas fugam* A falso.

Trin. 486

id optimum esse, tute | ut sis optimum P,  
id optimum esse, tute uti sis optimum A.

Cf. Pers. 696 pag. 23.

\*Truc. 369

sed dic mihi

benene ambulatumst? ‡ huc quidem hercle ad te bene.

Sic A, cum in P legamus

benene ambulasti | ? ‡ huc quidem hercle ad te bene.

Geppert Stud. II 53 confert Stich. 586

valuistin bene? ‡ sustentatumst sedulo ‡ edepol gaudeo A,  
valuistin bene? ‡ sustentavi sedulo ‡ edepol gaudeo P.

Truc. 374 legitur:

in A: plus pollicere quam abs te posco aut postulo,  
in P: plus pollicere quam ego | a te postulo.

Abraham Stud. Plant. p. 186 sqq. reiecit scripturam Ambrosiani, quod locutio *posco aut postulo* nullo alio loco Plantino redeat. Leo scripsit:

⟨sempér⟩ plus pollicere quam ego abs te postulo<sup>1)</sup>.

<sup>1)</sup> At bene nuperrime lectionem A defendit Sjögren, Zum Gebrauch des Futurums im Altlateinischen (Uppsala 1906) p. 231 sq.

### Caput III.

#### § 5. Hiatus irrepsit, quia collocatio verborum in P est immutata.

a) Loci, quos falsam in P collocationem exhibere apertum est, sunt hi:

Cas. prol. 51

patêrque filiûsque clam alter alterum.

Sic recte A, cum alterum *que* in P in exitum versus migraverit paterque filius clam | alter alterumque.

Quod vitium inde derivaverim, quod alterum *que* in archetypo Palatinorum sive in margine sive supra lineam ascriptum erat.

Cas. 594

at ego hercle | at te . quid ais, vir minimi preti?

Sic P, cum in A exstet:

et hercle ego ad te . quid ais, vir minimi preti?

Ordinem *hercle ego* usitationem esse docuit Kellerhoff in Studem. Stud. II p.60.

Most. 992

mihi, nisi ut erum metuam et curem, nihil est, qui tergum tegam.

Sic A, in P legimus

mihi nisi | erum ut metuam etc.

aut: mihi nisi erum | ut metuam . . .

Ad tuendam lectionem Ambrosiani dixerim voculam *ut* in A usitatiolem collocationem habere, quamquam concedo etiam lectionem: *mihi nisi erum ut(i) metuam* . . . Plauto tribui posse. Skutschius quidem censet Plautum scripsisse *mihi nisi ut erum et metuam et curem* . . .

Poen. 1226

nunc patrue, tu frugi bonae's. vin hanc ego adpre[he]ndam?

⟨‡⟩ tene A,

In P versus damnum traxisse apparet:

nunc tene patrue, tu frugi si bonae's. vin ego | hanc ad praedam?

⟨‡⟩ tene P.

Collocatio autem *hanc ego* (*hunc ego*) saepius reddit, cf. e. gr. Cas. 224 *hanc ego de me coniecturam domi facio*. Men. 1077 *hunc ego esse aio*. Pers. 455 *hanc ego rem exorsus sum facete et callide*. Kämpf, De pron. pers. usu et coll. p. 22.



Pseud. 739

ecquid habet is homo | aceti in pectore ꝯ atque acidissimumst.

Hacc est species versus in P. Ambrosianus praebet:

ecquidem homo habet aceti in pectore etc.

ubi ut sensus fiat, *ecquidem* in *ecquid* is mutandum est. Ordinem autem verborum

ecquid is homo habet aceti . . .

veriore esse iam cognovit Lorenzius, quem secuti sunt Goetzius et Leo. Lorenzius contulit cum versu nostro Pseud. 748

ecquid is homo scitust. ꝯ plebi scitum non est scitius.

Rud. 730 sic est traditus in P:

ita | hinc ego te ornatum [te] amittam, tu ipse te ut non noveris.

In A secundum Studemundi lectionem prior pars versus talis est, qualem recepit in contextum Leo (cum Guyeto, Reizio, Bentleio):

ita ego te hinc ornatum amittam . . .

Quae lectio commendatur vss. Amph. 531 *non ego te hic lubens relinquo neque abeo abs te* . . . Men. 332 *ut te hinc abducatur potius*. Truc. 613 *iam hercle ego te hic hac offatim offigam* ib. 614 *iam ego (te) hic agnum faciam* . . .

β) Collocationem verborum in P falsam esse demonstrare non possum his locis:

\*Most. 932

dicam ut hic res sint quietae | atque ut hunc hinc amoverim P, dicam ut hinc res sint quiescitae atque hunc ut hinc amoverim A.

\*Most. 949

puer, hic nemo habitat, nam te esse | arbitror puerum probum P, puere, nemo hic habitat, nam te esse arbitror puerum probum A.

Hic monendum est in A exstare *puere*, quae forma eis locis apud Plantum posita est, ubi metro postulatur: Asin. 382. Cure. 75. Merc. 912. Most. 843. 947. 965. 990. 991. Pers. 792. Pseud. 170. 242b. 249.

Poen. 912

valdeas beneque ut tibi sit ꝯ pol istuc tibi et tuost ero in manu.

Sic A. In P habemus hiatum, quia copula est alio loco exstat: *tibi et tuo | erost in manu* aut *tibi | et tuo erost in manu*. Cf. Pseud. 1052 *in tuto loco est A, in tuto est loco P*. Stich. 707 *cantio Graecast A, cantio*

est Graeca P. In v. Epid. 131 sq. ἀμείψας traditur: *imperatumst: emplast ancilla, quod tute ad me litteras || missiculabas*. Camerarius emendavit: *imperatumst: empta ancillast, quod etc.*

Trin. 18 sq.

huic nomen Graece | est Thensauro fabulae

Philemo scripsit, Plautus vertit barbare.

Sic P, in A nullus hiatus:

huic Graece nomen est Thensauro fabulae . . .

## B. Pars Altera.

### Hiatus in A, nullus hiatus in P.

#### Caput IV. Hiatus in A irrepsit vocabulis in archetypo A codicis omissis.

##### § 6. Vocabula per haplographiam in archetypo exciderunt.

α) Lectionem non hiantem genuinam esse aut patet aut argumentis propriis confirmari potest his locis:

Cas. prol. 66

pontem interruptit, qui erat ei | itinere A,  
pontem interruptit, qui erat ei in itinere P.

Facile in eo loco excidere potuisse patet. Cf. Stich. 283, ubi scripturam hiantem nemo defendet: *quae misera | expectatione est Epignomi adventum viri P, misera in expectatione* . . . A. In nostro autem versu veriore esse lectionem Palatinam indicant Ter. Heaut. 271 *hoc ipsa in itinere alterae || dum narrat, forte audivi*. Phor. 566 *dicam in itinere*.

Cas. 763 sqq. dicuntur a Pardalisca:

omnes festinant intus totis aedibus,  
senex in culina clamat, hortatur coquos:  
„quin agitis hodie? quin datis, si quid datis?  
properate, cenam iam esse coctam oportuit.“

Hic sententiarum rationi aptiora sunt quae Palatini tradunt quam quae A exhibet

properate, cenam | esse coctam oportuit.

Cf. Men. 195 *nam si amabas, iam oportebat nasum abreptum mordicus*. Most. 1093 *quid si igitur ego accersam homines? ÷ factum iam esse portuit*.

Epid. 153—155 sic leguntur in P  
est Eubóicus miles, lócuples, multo auró potens,  
qui ubi tibi istam emptam ésse seibit átque hanc adductam álteram,  
continuo te orabit ultro, ut illam tramittas sibi.

In v. 154 A omisit *tibi*, qua voce omissa sensum turbare  
apparet: *quí ubi | istam emptam esse* etc. aut *quí ubi istam  
éemptam | ésse* etc. In *ubitibi* facile *tibi* excidere potuisse patet.

Merc. 457

néseio, inquam, vélit ille illam néene abalienárier P,  
néseio, | inquám, velit illam necne abalienárier A.

Cf. Merc. 449 *non ego illam mancipio accepi ÷ sed ille illam  
accipiet sine*. Trin. 605 *sine dote ÷ sine dote ille illam in tantas divitias  
dabit*. Illa illum occurrit in vss. Amph. pr. 134. Aul. pr. 30. Ille  
illi: Pers. 71 etc. etc. vide Kellerhoffium l. c. p. 58 sq.

Mil. glor. 23 talem habet speciem in A:  
me sibi | habeto, | égo me mancipió dabo  
ubi dativus *ei* ad sensum necessarius desideratur. Palatini ex-  
hibent, *habeto et ego*, quemadmodum pro *ei* in codicibus saepius  
et scriptum est, velut Pers. 180 *ei* P, et A. Quivis videt, quam  
facile in litteris ETOEIEGO sive adeo ETOETEGO quarta et  
quinta excidere potuerint. Goetz-Schoell legunt sine ullo hiato:  
*me sibi habeto ei ego me mancipió dabo*, ubi sane mensura pro-  
nominis *ei* dubitationi non exempta est.

Mil. glor. 401

atque út tu suspicátus eam vidisse | osculántem A,  
atque ut tu suspicatus es eam vidisse osculantem P.

Lectionem hiantem non esse genuinam vel inde patet, quod  
numeri sunt turbati. Ars is enim soluta ante dihaeresim versuum  
iambicorum septenariorum apud Plautum non admittitur.

Mil. glor. 1135

nam quós videre | exoptabam máxime A,  
nam quós videre exóptabam me máxime P.

Lectionem Palatinorum vetustam esse vel inde elucet, quod *me*  
et encliticum est et encliticorum more postpositum est, id quod inter-  
polator vix fecisset, nisi fortasse altera lectio *me exoptabam* (*me* in archet-  
typo Ω superscripto) defendenda est. Verbum autem exoptandi cum in-  
finitivo coniungitur his locis Ter. Andr. prol. 20. Cic. ep. 4, 6, 3. Pers. 2, 44.  
Calp. eclog. 3, 35; cum acc. c. inf. Enn. ann. 551.

Mil. glor. 1411

iúra te non nóciturum esse | hómini de hac re némini P.

Sic P cum hiato in dihaeresi. In A duo hiatus, quia deest  
*non*, quod ante *nociturum* haplographia excidere potuit:

iúra te nocitúrurum | esse | hómini de hac re némini A.

Praestantior est versus Palatinorum, in quo id, quod gra-  
vissimum est, *non nocere* in initio positum est; male in A negatio,  
in qua summa iurisiurandi est, in fine demum infertur. Aliter  
res se habet in v. 1414, ubi in inrejurando Pyrgopoliniceis verbum  
*nociturum* statim sequitur vox *nemini*:

iúro per Iovem ét Mavortem mé nociturum némini.

Most. 607 sq. legimus in P

neque ego taétriozem béluam

vidisse me unquam quémquam quam te cénseo;

A exhibet altero *quam* per haplographiam omisso:

vidisse me | unquám quem quam te cénseo,

quae lectio repugnat usui Plautino in coniungendis vocabulis (*n*)*unquam  
quisquam* observato, cuius exempla collegit Lange, Ann. phil. 1894 p. 275 sqq.  
velut Capt. 76. Pseud. 1018. Cf. Epid. 404 sq. *nunquam* nimis potest ||  
*pulcritiam quisquam suae servare filiae*, ubi *nunquam* restituit Fleck-  
eisenus. Vide etiam Naev. (com. 96 R) *si(ve) unquam quicquam filium  
rescivero*<sup>1)</sup>.

Poen. 449—451 tales exstant in P

di | infelicient ómnes, qui post hunc diem

leno ullam Veneri unquam immolarit hostiam

quive ullum turis granum sacrificaverit.

Versus 451 sic est servatus in A

qui | ullum turis granum sacrificaverit.

Meliorem autem conexum praebere *quive ullum* nemo non  
concedet. Facile autem QVIVLL ex QVIVEVLL nasci potuit.  
Vide etiam, quae modo adnotavi ad v. Most. 608 de Naevii v. 96.

<sup>1)</sup> Ita Skutschius correxit apud Gellium II 19, 6 pro: *si | unquam  
quicquam* ...

Poen. 964. Lectio non hians meliorem praebet sensum  
eas liberali | ádseres causá manu A,  
eas liberali iam adsere(s) causa manu P.

Poen. 1116

sed i atque évoca illam, si eae meae sunt filiae P.

In A deest vox *meae*, quam flagitat sensus, itaque hiatus  
est in *si* | *eae*.

Stich. 84

sic faciam: adsimulábo, quasi quom cūlpam in se | admiserint A.

Hiatus, qui est in exitu versus, sanatur scriptura Palatinorum:  
*in sese admiserint*. Hic scripturam Ambrosiani ideo nemo de-  
fendit, quod sescentis locis apud Plautum *sese* ante vocalem  
positum est. Vide Ritschl, Neue Plant. Exc. p. 53 et C. F. W.  
Mueller, Nachträge zur plant. Pros. p. 114.

\*Stich. 519 sq.

páx commercsque est vóbis mecum. | hóc tu facito ut cógites:  
ut cuique homini res paratast, perinde amicis utitur.

Sic A, sed Palatini exhibent

páx commercique est vóbis mecum. nam hóc tu facito cógites..

Hic *nam*, quae vox sensum meliorem reddit, facile post  
*mecum* potuit excidere.

\*Trin. 385

séd adde ad istam grátiam unum † quid id est autem unum?  
† éloquar P.

In A non solum versus hiat ubi sermo transit ad alteram  
personam, sed etiam sententia: *quid est autem unum* | ? †  
*eloquar*. Cf. Stich. 427 *quid id autem unumst? expedi*.

Trin. 1072 in A abundat hiatibus

cérte is est profécito | o mi | ére | exoptatissime,  
quam lectionem veram esse vix quisquam credet. Nullus hiatus in P:  
cérte is est, is ést profecito, o mi ere exoptatissime.

In eo versu geminatio vocabulorum *is est* aptissima est ad  
sensum, reddit autem apud Plautum in v. Bacch. 535

cérte is est. is est. adibo cóntra et contollám gradum.

Cf. Stich. 608 *nón it, non it, quia tanto opere suádes,*  
*ne ebitát † iube*.

β) Lectionem non hiantem genuinam esse etsi nemo negabit,  
tamen non facile est argumentis confirmare his locis.

Epid. 26

quem dices digniorem | esse | hódie Athenis álterum A,

quem dices digniorem esse hominem | hodie Athenis alterum P.

Skutschius censet scribendum esse (similiter nuper Goetzius):  
quem dices digniorem esse (hoc) homine[m] hodie Athenis alterum.

Vocem *hominem* ante *hodie* facile excidere potuisse patet,  
cf. Epid. 671 ubi *homohodie* habet A sine hiatu, *hodie* P cum  
hiatu. Ad probandam autem Skutschii coniecturam attulerim  
Asin. 118 *non esse servus peior hoc quisquam potest*. 492 *neque*  
*me alter est Athenis hodie quisquam, quoi...* Aul. 206 *neque illo*  
*quisquamst alter hodie ex paupertate parcior*. Most. 1072 *alter hoc*  
*Athenis nemo doctior dici potest*. Pers. 202 *nullus esse hodie*  
*hoc puero peior perhibetur*. Cf. etiam Aul. 419. 810. Poen. 991.

Pseud. 1333

hérele me isti haü solent vocäre neque ego ergo istos.

Sic versum ex P constituit Hermannus collocatione *ergo ego*  
correcta. In A legimus

hérele me isti haü solent vocäre nec ego | istos.

Hand Turs. II 467, qui ibi similes locos attulit, exitum  
versus sic vertit: *und daher auch ich nicht sie*.

Rud. 581

tibi ego nunquam quicquam credam nisi | accepto pignore A.

Hiatum tollunt omnes Palatini praeter D:

tibi ego nunquam quicquam credam nisi si accepto pignore P.

Locos, quibus *nisi si* apud Plautum exstat, ego quidem decem  
repperi (Broekius Quaest. gramm. Iurievi 1897 p. 177 sq. septem attulit),  
omnibus autem locis novum praedicatum post *nisi si* exstat, velut  
Amph. 825 *nescio quid istuc negoti dicam nisi si quispiamst* || *Amphitruo*  
*alius etc*. Reliqui versus sunt Capt. 530. Curc. 51 sq. Epid. 22. Men. 248.  
Most. 769. Trin. 474. Truc. 670. 782. 927. Practerea Rud. 751 *nisi si B*  
*nisi* (quod hoc loco melius est) CD. Versum nostrum Broekius quod legit  
*nisi accepto pignore* id falsum esse apparet, quod prior syllaba *ni* ex *nē*  
nata est<sup>1)</sup>. Ceterum apud Graecos similiter particularum coniunctio *ὥς ὅτε*  
sensum simplicis particulae *ὥς* accepit.

<sup>1)</sup> De origine coniunctionis *nisi si* dubia quaedam scripsit Lindskog,  
De enuntiatis apud Plautum et Terentium condicionalibus, Lundae 1895.



§ 7. Exciderunt vocabula, quia superscripta erant in archetypo communi.

Epid. 251

quin hodie allatae tabellae | ad eam | a Strathippoele A,  
quin hodie allatae sunt tabellae ad eam a Stratippoele P.

In A duo sunt hiatus, in P versus non currit, voce *sunt* autem, quam omisit A, hanc sententiam carere non posse docet usus Plautinus. Goetzius et Leo scripserunt Guictum secuti:

quin hodie allatae tabellae sunt ad eam a Stratippoele,  
quam scripturam ita fuisse in archetypo Ω verisimile est, ut *sunt* aut in margine aut supra lineam fuerit.

Mil. glor. 701

di tibi propiti(i) nam | herele si istam semel amiseris A,  
di tibi propitii sunt herele nam si istam semel amiseris P.

Iterum in A versus hiat, in P non currit; vocem *sunt* necessariam esse docent exempla haec: Ter. Phor. 636 *satin illi di sunt propitii?* ≠ *nam sat scio* (quem versum afferunt Brix et Lorenz). Cure. 531 *quoi(i) homini di sunt propitii, lucrum ei profecto obiciunt*, 557 *quoi homini di sunt propitii, ei non esse iratos puto*. Hic quoque probabile mihi videtur vocem *nam* in archetypo Ω superscriptam fuisse, in altera autem recensione vocem *sunt* expulisse, in altera falso loco in textum irrepsisse. Plautum enim scripsisse credo:

di tibi propitii sunt . nam herele si istam semel amiseris.

Most. 609. Is versus legitur

in B non edepol nunc me tu tuis verbis territas  
in CD non edepol nunc me tu istis verbis territas  
in A non edepol tunc me | istis verbis territas.

B codicem in Mostellariae memoria non tanta quanta in reliquis fabulis esse auctoritate constat, CD, si cum A communem lectionem habent, maioris pretii videntur esse quam B. Itaque lectio genuina videtur fuisse: *nunc me tu istis*. Ambrosiani autem scripturam propter *tunc*, quae vox quid sibi hoc loco velit, non intellegimus, genuinam non esse patet. Atque Skutschius quidem coniecit voculam *tu* in Ω supra lineam scriptam fuisse hac fere ratione

tu  
non edepol nunc me istis verbis territas

ex quo in archetypo Palatinorum factum esset ordine verborum non recte intellecto *nunc me tu istis*, pro *tu nunc me istis* alterum librarium vero *tu* tamquam correcturam ad *nu(nc)* ascriptam esse censuisse.

§ 8. Qua via vocabula exciderint, investigari non potest.

a) Lectionem hiantem falsam esse apparet locis his:

Cas. 106—110

ego huc quod veni in urbem, si impetrávero,  
uxorem ut istam ducam, quam tu deperis,  
bellam et tenellam Casinam, conservam tuam,  
quando ego eam mecum rus uxorem abduxero,  
rure incubabo usque in praefectura mea.

Unus ex eis versibus (109) in A cum hiatu traditus est:

— quan lo | eam mecum rus uxorem abduxero . .

Sed ad lectionem Palatinorum probandam dicendum est *ego* in eo versu recto loco positum esse, cf. Scherer Studem. Stud. II p. 105. Ibi afferuntur Amph. 440 *nunc quando ego sum, vapulabis, nunc hinc abis, ignobilis*. Men. 120 sq. *quando ego tibi ancillas penum . . . praebeto*. Cf. etiam Amph. 893 *quando ego quod feci, factum id Amphitruoni offuit*. Capt. 691 *quando ego te exemplis pessumis [ex]cruciávero*.

Cas. 579

iamne hanc traduxti | ad nos vicinam tuam .

Sic A, ut testatur Studemundus. In Palatinis legimus

iamne hanc traduxti huc ad nos vicinam tuam,  
quam lectionem confirmari merito putat Leo (ad hunc versum) versu Cas. 597

ut traduxisti huc ad nos uxorem tuam AP.

Cas. 1008 abundat in A hiatibus, in P nullus hiatus:

lépidiorem némo uxorem quám ego | habeo | hanc habet A,  
lépidiorem uxórem nemo quisquam quam ego habeo hanc habet P.

In *quisquam* quam vocabulis transcribendis saepius peccatum esse demonstravimus ad Most. 607 pag. 29. Locutio autem *nemo quisquam* redit: Pers. 648 *nemo quisquam acceptior*. Pseud. 808 sq. *me nemo potest || minoris quisquam nunmo ut surgam subigere*. Cf. praeterea Ter. Eun. 1032. Hec. 67 (cf. Lange, Ann. phil. 1894 p. 277).

Epid. 485

reór peccatum largiter ≠ immo haec east P.

In A metrum graviter corruptum: *immo | haec est*, de quo non est, cur verbum addam.

Men. 207

scin, quid volo te | accurare? ‡ scio, curabo, quae voles A,  
scin, quid volo ego te accurare? ‡ scio, curabo, quae voles P.

Vocem *ego* recto loco in P positam esse docet usus Plautinus;  
cf. Mahler, De pronom. pers. apud Plaut. collocatione, Cussalini 1876 p. 2  
et Kellerhoff l. c. p. 51. *Volo ego* autem persaepe apud Plautum usur-  
patur velut Pers. 604 *hospes, volo ego hanc percontari* . . Rud. 120 sq.  
*paucis percontari | volo ego ex te*. Cf. etiam Most. 174 *donabo ego hodie*  
176 *nolo ego te adsentari mihi* 194 *nolo ego mihi male te Scapha prae-*  
*cipere* 196 *monco ego te : te ille deseret*. Pers. 616 *scio ego officium meum,*  
*ut quae rogitur* . .

Most. 767

sol sēper hic est ūsque a mane ad vēsperum P.

In A deest verbum *est*, quod hoc loco habet notionem verbi  
*adest*, et pro *hic* falso legitur *huc*:

sol sēper huc usque ā mane | ad vēsperum.

Most. 905

nūm nimio emptae tibi videntur? ‡ nūquam | edepol mē scio A.

Sic A lacunis secundum Studemundum suppletis. At in P  
legimus:

nūm nimio emptae tibi videntur? ‡ nūquam edepol ego mē scio P.

Veram esse collocationem voculae *ego*, genuinum ergo voca-  
bulum in P discimus a Kellerhoffio l. c. p. 60 sqq.

Pers. 349

enimvērō odiosa es ‡ nōn sum neque me esse ārbitror P.

In A excidit *me*, quae vox in accusativi cum infinitivo  
structuris raro apud Plautum omittitur:

enimvero odiosa es ‡ non sum neque | esse arbitror.

Pers. 591

tāce, tace, nimis tū quidem | homo stultus es pueriliter A.

Hiatus sanatur in P interiectione *hercle*, de cuius usu  
cf. Kellerhoff l. c. p. 64 sq.

tace, tace, nimis tu quidem hercle homo stultus es pueriliter P.  
*est* AP, cf. pag. 16 adn. 2.

Poen. 340

ēo conveniunt mēcreatores, ibi me | ostendi volo A

eo conveniunt mercatores, ibi ego me ostendi volo P.

Vocabulum *ego*, quod deest in A, genuinum videtur esse,  
quia recte est collocatum, id quod discimus apud Mahlerum  
l. c. p. 2 et Kellerhoffium l. c. p. 51 sqq.

\*Poen. 345

sūnt mihi nescio quod nummi | [l]aūrei, lymphatici A,  
sūnt mihi intus nēscio quot nummi aūrei, lymphatici P.

Lectio Palatinorum videtur confirmari versu 165 sq. *sūnt*  
*tibi intus aūrei || trecēti nummi Philippi? ‡ sescenti quoque*.

Poen. 500

omnis extollo | hōc die in aliūm diem A.

Palatini cum Nonio 407 praebent veriore lectionem:

omnis extollo ex hoc die in alium diem P.

Vide ea, quae dixi de omissione praepositionum ad Stich. 293 (§ 4).

Poen. 671—673 tales exstant in P

LY. rex sūm, si ego illum | hōdie ad me hominem [m]allēxero.  
(ADV.) quin hicquidem tuos est. LY. obsecro herele hortamini,  
ut devortatur ad me in hospitium optimum.

In A v. 671 talis est:

rex sum si ego illum | hodie | hominem adlexero.

Cf. e. gr. Amph. 264 *neque ego hu(n)c hominem hodie ad*  
*aedis has sinam umquam accedere*. Poen. 658 *ubi nequam*  
*faciat. nos hominem ad te adduximus*. Cist. 566 *iam perducebam*  
*illam ad me suadela mea*.

Poen. 1015

nunc ōrat, operam | ūt des, ut ea vēneant A.

Sensus fit melior voce *sibi* inserta quam exhibent Palatini:

nunc ōrat, operam ut dēs sibi, ut ea vēneant P.

Cf. Bacch. 103 sq. *tibi nunc operam dabo de Mnesilochō,*  
*soror, ut hic accipias potius aurum* . . . Truc. 722 *sed obsecro*  
*da mi operam, ut narrem, quae volo*.

Poen. 1053 sq. Agorastocles ad Hannonem conversus ait:  
ergo hic apud me hospitium tibi praebēbitur.

Talis versus est in P, at A caret voce *tibi*, qua sensus carere non potest:

ergo hic apud me | hóspitium praebébitur.

Poen. 1219

pátrúe mi, ita mé di amabunt, ut ego, si sim Júppiter P.

In A excidit *me*

patrue mi, ita di | amabunt, ut ego, si sim Júppiter A.

Hanc scripturam nemo defendet.

Poen. 1322 sq.

quid tibi lubido, | óbsecro, Antamoénides,  
loqui inclementer nostro cognato et patri?

Sic A, Palatini praebent:

quid tibi lubido es(t), óbsecro, Antamoénides.

Cf. locos, quos collegit Lorenz ad Most. 6 et 32, ubi semper *est* additur.

Poen. 1351 sq.

AG. duplúm pro furto mihi ópus est. LY. sume hinc quódlubet.

HA. et mihi suppliciis multis LY. sume hinc quodlubet.

Sic P; sensum autem turbare, si *mihi* in versu priore omittitur, in promptu est:

duplúm pro furto | ópus est ꝓ sume hinc quódlubet A.

Pseud. 716

quid istuc est? ꝓ epistulam hanc intérepi | et sýmbolum A,  
quid istuc est? ꝓ epistulam modo hanc intercepi et sýmbolum P.

Vocula *modo*, quae etiam metrum sanat, redit in eiusdem Pseudoli sermone in v. 717 *qui a milite allatíst modo*, et in v. 719 ... *ei os sublevi modo*.

Pseud. 730

qui á patre advenit Carysto, nécdum | exit aédibus A,  
qui á patre advenit Carysto, needum exiit ex aedibus P.

Memoria codicis A discedit a consuetudine sermonis Plautini. Nam apud Plautum verbum exeundi uno loco excepto (Baech. 289 *portu exire*) semper videtur coniunctum esse cum *ex* praepositione, velut Cist. 546 sq.

hinc ex hisce aedibus pauló prius | videi éxeuntem mülíerem.

Most. 1 *exi e culina*, Rud. 534 *exissem ex aqua*, Rud. 706 *exi e fano*, et all. Vide praeterea de omissione praepositionum quae dixi ad Stich. 293 pag. 24.

Pseud. 1199 in A versus vitiosus vel potius nullus est  
Harpax ꝓ is quidem | Harpax sum | ꝓ immo | edepol esse vis A.

In P ad sanandum verum medicina exstat

Hárpax ꝓ is quidem édepol Harpax égo sum ꝓ immo edepol  
ésse vis P.

Rud. 777

hunc quoque adserva ipsum, ne | abitat. aut promissimus A,  
hunc quoque adserva ipsum, nequo abitat. nam promissimus P.

In A versus noster non est ex regula formatus, nam caret dihaeresi, et pro *nam* *perperam* aut exstat. Lectio Palatinorum confirmatur versibus Men. 851 sq. *ádserva istunc, mí pater || néquo hinc [h]abeat*. Most. 596 *Ferre hinc potes. an métuís, ne quo abeat foras*. Rud. 1013 *ábeo ego hinc ꝓ at ego hinc offlectam návem nequo [h]abeás : mane*. Dihaeresis autem est inter vocales coalescentes.

Stich. 75

principium ego quo pácto | illi | óccipiam, id ratiócinor A,  
principium ego quo pacto cum illis occipiam, id ratiocinor P.

In A verum damnum contraxisse constat, nam nullus sensus fit.

Stich. 361

nón ecastor, ut ego opinor, sátis erae morém geris P,  
non ecastor, ego | opinor, satis erae morem geris A.

Lectionem Ambrosiani reiiciendam esse sequitur ex lege, quam constituit Wackernagel, Indogerm. Forsch. I p. 406—430: voces quae accentu carent non primo, sed secundo loco enuntiati poni. Confirmatur quod observavimus eo, quod *ego opinor* nusquam apud Plautum, at saepenumero legimus *opinor, ut opinor, ut ego opinor*; locos congregavit Langen Symb. p. 310 sq.

Stich. 548

nunc mihi reddi ego aéquom esse abs te, quicum cubitem, cénseo.

Sic P, voces *abs te* desunt in A:

nunc mihi reddi ego aéquom | esse, quicum cubitem, cénseo;  
necessarias autem esse elucet e versu praecedente

égo tibi meam filiam, bene quicum cubitarés dedi.

Trin. 378

égone | indotátam uxorem ut pátiar? ꝓ patiundúmst pater A,  
egone indotatam te uxorem ut patiar? ꝓ patiundumst pater P.

Sensus: *ego nunquam patiar te indotatam ducere*; gravissima igitur pars sententiae deest in A.

Trin. 560

lepide hērele | agro ego hoc hūne senem detērrui A,  
lepide herele de agro ego hunc senem deterrui P.

Quamquam verbum deterrendi nullo alio loco apud Plautum redit, tamen probabile est Plautum *detertere*, ut postulatur communi ceterorum scriptorum usu, hoc loco cum praepositione *de* coniunxisse. Cf. praeterea quae exposui ad Stich. 293 pag. 24.

Trin. 756

quo pácto | igitur clām dos depromi potest A,  
quo pacto ergo igitur clam dos depromi potest P.

Quamquam *ergo igitur* nusquam apud Plautum redit, tamen hanc locutionem vetustam esse patet. Ritschelius Parerg. p. 569 *ergo igitur* Apulei imitatione firmatum esse putat, locos Apuleianus conguessit Hand Turs. II p. 465, adiciendum est Varronis (de l. l. V 24) *itaque ideo*, et loci conferendi sunt, quos collegit Holtze Synt. prisc. script. II 365. Cf. etiam Altenburg, De sermone pedestri, Diss. Gryph. 1898 p. 8 sqq. Recte censet Skutschius de interpolatione nullo modo cogitari posse, nam interpolator tritorem locutionem inseruisset.

β) Lectionem hiantem falsam esse saltem probabile est:

\*Poen. 601

et quidem quasi tū nobiseum | adveniēns orāveris A,  
et quidem quasi tu nobiseum adveniēns hodie oraveris P.

Cf. Cure. 660 *tu ut hodie adveniēns cenam des sororiam*.  
Amph. 705 sq. *at pol quī certu res || hanc est obiurgare, quae me hodie adveniēntem domum || noluerit salutare*.

## Caput V.

### § 9. Pro forma non hiantē in archetypum A irrepsit hians.

α) Formam non hiantem veriore esse patet his locis:

Bach. 496

mélius multo mé quoque una si cum | hoc relinqueres A,  
melius esset, me quoque una si cum illo reliqueris P.

Pronomen *hoc* perperam positum esse declarant eiusdem scaenae versus 412. 463. 464. 475. 481. 485. 487. 488. 494, in quibus poeta pronomen *ille* usurpat, ubi Pistoclerum significare vult. Versus Palatinorum praeterea exhibet *melius esset* pro *melius multo*. Prior locutio hoc uno loco apud Plautum usurpatur neque vero videtur esse aliena a sermone Plauti, quippe qui semper fere *melius est* dixerit (secundum Lodge, lex. Plaut. s. v. *bonus*); nam in 35 versibus *melius est* legitur, in 8 versibus *est* omittitur, tamen sine metri detrimento addi potest.

Bacch. 503

ne illa illud herele cūm malo fecit suo [meo] P.

Sic P voce *meo* perperam adiecta. In A habemus hiatum:

ne | illa id herele cūm malo fecit suo A

quam scripturam deteriore esse etsi fortasse certis argumentis demonstrari nequit, tamen patet non solum ex *illa illud* facile *illaid* fieri potuisse, verum etiam P exhibere locutionem usitatissimam. De qua re confer pag. 28 ad Merc. 457.

\*Poen. 375

sine te exorem, sine prehendam aurientis, sine dem sávium.

Sic P, at in A hiatur in dilhaeresi:

sine te exorem, sine prehendam | aūris, sine dem sávium.

Quam lectionem deteriore esse indicat versus Asin. 668, qui praebet formam *prehende* coniunctam cum ablativo casu: *prehende auriculis, compara labella cum labellis*. Cf. Epid. 1 *heus adulescens, quis properantem me reprehendit pallio?* sic A, *prehendit* P. Theocr. V 132 *τί με πρᾶν οὐκ ἐφίλησε τῶν ὤτων καθελοῖσα*.

Poen. 386

AG sicine ego te orāre iussi? MI quómodo ergo orēm? AG rogas P.

In A *ergo* mutatum est in *ego* cum hiatu in: *quomodo ego | orem*, et cum sensus detrimento. Milphio enim indignatus quaerit, cuiusmodi in interrogationibus *ergo* adici solet, cf. Trin. 756 pag. 38. Plures versus affert Hand. Turs. II 453 sq. velut Aul. 744 *ne istuc dixis ꝑ quid tibi ergo meam me invito tactiost?* Pers. 217 *quo ergo* (sc. *abis*) *scelus?* Pseud. 914 *istud ego satis scio . ꝑ cur ergo quod scis me rogas?*

Poen. 574

mitte | istaec . quid velim vos scitis . ꝑ callemus probe A,  
mittite istaec . quid velim vos scitis ꝑ callemus probe P.

Formam *mitte* propter *vos* et *scitis* non ferendam esse apparet. Cf. praeterea Men. 1007 *mittite istunc ꝑ opseco te quisquis es operam mihi ut des*.

Poen. 730 sq. tales sunt in A (interpunctio est Leonis)

si exierit leno, quid tum | ? hominem intérogem  
meus servos ad eum veneritne? ꝑ quippini.

Pro *quid tum*, quibus vocibus sermo interruptitur, Palatinorum archetypus praebuit *censen* (censerit B, censent D), quae vox commendatur versu 728 et Rud. 1269 sqq.

si exierit leno, censen hominem interrogem?

Poen. 1357

tuam | ut dixi mihi desponde filiam A,  
tuam ut dixisti mihi desponde filiam P.

Lectio Ambrosiani non est genuina, quia versus legi nequit.

Pseud. 691

tris ludam | erum | et lenonem et qui hanc dedit mi epistulam A,  
tris deludam erum et lenonem et qui hanc dedit mi epistulam P.

Verba ludendi atque deludendi pari fere significatione apud Plautum exstare monet Langen Symb. p. 17. Cf. autem Amph. 998 *iam hic deludetur* P, ubi *iam* | *hic ludetur* hiatus efficit, item Amph. 295 *timet homo, deludam ego illum* P, ubi hiatus esset, si codices praerberent *ludam* | *ego* | *illum*. Qui loci (augere autem numerum similibus aliis facile est) satis videntur demonstrare saepius in Plauti sermone eas formas usurpari, quae aptissimae sint ad hiatus evitandum.

Pseud. 1069

hodie quas abs te | est stipulatus Pseudolus A,  
hodie quas abs te [inde] est instipulatus Pseudolus P.

In P vox *inde*, quae per errorem invasit, expungenda est, ceterum lectionem, qualem restituimus in P, testatur etiam Priscianus I 388. Ad quam lectionem probandam Leo, qui secutus est Buggium Phil. 31, 258 sq., affert Rud. 1381 *ni dolo malo instipulatus sis*. Cf. Buecheler, Umbria p. 44 et Schlossmann, Mus. Rhen. 59, 369 adn. 2.

Stich. 289 deminutivo tollitur hiatus; veram lectionem unus Codex Vetus servavit:

harundinem fert sportulamque et hamulum piscarium B.

In ceteris omnibus codicibus legimus

harundinem fert sportulamque | et hamum piscarium,

quae in metrum cogere non potes.

Stich. 708

tibi propino decumuni a fonte, tibi tute inde, si sapis P.

In A altera pars versus hiatus exhibet: *tibi te* | *inde, si sapis*; qua scriptura sensum turbatum esse apparet. Cf. Poen. 1381 pag. 20, ubi *tute* A, *te* P.

Trin. 194

posticulum hoc recepit, cum aedes vendidit.

Sic P cum Nonio p. 384, A et Gellius XVIII 6, 7 praebent verum, qui vel ideo falsus est, quod non potest in metrum cogi: posticulum | hoc recipit, cum aedis vendidit.

Trin. 535 sq.

alii exolatam | abiere, alii emortui,  
alii se suspendere. em nunc hic quous est...

Sic A, at in priore versu Nonius p. 123 testatur *abierunt*, quam formam praebent etiam Palatini. Mirum autem videtur in codicibus nullo alio loco *abiere* legi, sed semper *abierunt*. Quattuor locis *abierunt* metro postulante legitur Cas. 19 (ubi esset hiatus, si *abiere* | *hinc in etc.* legeretur) Poen. 689. Stich. 137. Truc. 285, duobus Men. 876. Stich. 29 non postulante. Itaque probabile est etiam verum nostrum in 2 exhibuisse *abierunt*.

\*Trin. 1071

satin ego oculis plane video? | estne hic an non est? is est.

Sic A. Qua in scriptura pronomen *hic* abhorre ab usu Plautino iam docuit Fleckeisenus in Ann. phil. t. 93 p. 61 adn. Veram autem lectionem, in qua nihil est, quod offendant, praebet Palatinorum consensus:

satin ego oculis plane video? estne ipse an non est? is est.

Superest, ut afferam verum hiantem in A, pro quo duo exstant in Palatinis.

Merc. 555 talis est in A:

nunc tamen interea ad me | huc invisam domum.

Pro eo versu duo sunt continui in P:

I nunc tamen interea ad me | huc invisam domum (= A)

II interea tamen huc intro ad me invisam domum.

Versum II genuinum esse censet Leo (ad hunc versum), Bach in Studem. Stud. II 206 exemplis confirmavit hanc lectionem



usitatiorem ordinem vocabulorum exhibere; nam in verborum *huc ad me (te)* coniunctione adverbium demonstrativum semper priore loco ponitur. Sed verius fortasse Plautum sic scripsisse censet Skutschius:

nunc tamen interea huc intro ad me invisam domum  
quamquam *nunc tamen interea* praeterea non invenitur ante Catullum 101, 7.

β) Nunc proferam eos versus, in quibus certa argumenta ad tuendam lectionem non hiantem afferre non valeo:

Poen. 455

quoniam litare nequeo, abi illim | ilico.

Sic A et omnes Palatini, at unus codex Turnebi exhibuisse dicitur *abi illinc dico* voce *dico* falso ex *ilico* orta; certe *illinc* in recensione Palatina videtur exstitisse:

quoniam litare nequeo, abi illinc ilico.

Trin. 556 (cf. Poen. 1357 pag. 40).

me tibi dixisse hoc ꝫ dixi | arcanos sates A  
contra quem militat etiam corruptela vocabuli paenultimi  
me tibi dixisse hoc ꝫ dixisti arcano satis P.

## Caput VI.

### § 10. Hiatus in A invectus est collocatione verborum immutata.

α) Falsam esse collocationem unusquisque adstipulabitur in iis versibus, quos iam afferam:

Cist. 516

Filia Juno | et Saturnus A,  
Juno filia et Saturnus P.

Usitatum ordinem in P servatum esse constat, ut de inaudita mensura *filiā* taceam. Cf. Asmus, De appositionis apud Plautum et Terentium collocatione, Diss. Hal. 1891 p. 26 (Amph. 98. 365. 614. Epid. 636. Men. 408. 854. 1078).

Men. 1132 sq. Menaechmus I. salutat fratrem his verbis

ó salve insperate multis—annis, post quem conspicio  
ad quam salutationem ille ita respondet, ut prior pars versus

iterum in *multis* exeat, id quod poetam consulto ita effecisse consentaneum est:

frater, et tu, quem ego multis—miseriis, laboribus eqs.

Tales versus exstant in P, in A autem species prioris versus est haec:

o salve insperate | annis multis, post quem conspicio.

Ceterum Plautus et *multis annis* et *annis multis* dixit, cf. Lodge, lex. Plaut. p. 132.

Merc. 515 sic traditus est in P

rogare hoc unum te volo ꝫ roganti respondebo.

Langen Symb. p. 223 sq. ait vocem *unum* rarius ante quam post pronomen demonstrativum apud Plautum legi ibique complures locos conegessit. Cf. etiam Brix ad Capt. 747. A codex exhibet eum hiatu

rogare | unum hoc te volo ꝫ roganti respondebo.

Merc. 544

tandem impetravi | egomet me ut corrumperem A,  
tandem impetravi, ut egomet me corrumperem P.

Hic id unum ad tuendam lectionem non hiantem dici potest collocationem vocolae *ut*, qualis est in P, usitatiorem esse quam in A.

Trin. 244

da mihi hoc mel meum, si me | audes, si amas A.

Sensus nullus in A. Recte Palatini:

da mihi hoc, mel meum, si me amas, si audes P.

Trin. 419

ratio quidem apparet (h)erele, | argentum οῤεταί A.

Talem collocationem falsam esse docet Kellerhoff l. c. p. 64, itaque vera est lectio Palatinorum

ratio quidem herele apparet, argentum οῤεταί P.

Trin. 447

homo ego sum, homo tu es, ita me amabit Juppiter P,  
homo ego sum, homo es tu, | ita me amabit Juppiter A.

Verior est lectio Palatinorum, nam collocationi *homo ego sum* αβγ apud eos respondet *homo tu es* α'β'γ', auctor A codicis vel

eius archetypi ex α'β'γ' fecit α'γ'β'. Brixius confert Most. 305  
*tu me amas, ego te amo, merito id fieri uterque existimat.*  
Cf. etiam Most. 322 *visne égo te ac tu me ampléctare?*

β) Restat, ut afferam versum, in quo mihi non adsunt certa  
argumenta ad tuendam lectionem non hiantem.

Most. 593

quid ais tu omnium | hominum taeterrume A,  
quid ais tu hominum omnium taeterrume P.

Plautus promiscue *omnes homines* (cf. Most. 245. 340. Cist. 774)  
et *homines omnes* dixit (cf. Poen. 1188 *hominum omnium*). Viri  
quidam docti offenderunt in inusitata mensura *ais*. Igitur fortasse  
ne in P quidem scriptura genuina servata est. Item res se  
habet in versu

Stich. 261

ventri reliqui | éccam, quae dicât cedo A,  
veterem reliqui eccam illam, quae dicat cedo P.

Versum neque in A neque in P recte servatum esse cognovit  
Leo; qui quam vere ex *illam* coniciendo elieuerit *aliam* dubito;  
*eccam illam* autem vel *eccillam* falsum esse constat, nam de  
lingua, quae mihi praesto est, non possum dicere *illa*, cf. Bach  
Studem. Stud. II 413.

## Appendices.

### § 11. De quibusdam lectionibus grammaticorum.

Praeter eos versus, quibus lectio hians altera codicum classe  
tollitur, exstant etiam versus nonnulli, quibus hiatui codicum  
Plantinorum adversantur grammatici. Sunt autem fere hi loci:

\*Amph. 739 sq.

séd mulier, postquam épperrecta | és, prodigiali Jovi  
aut mola salsa hódie aut ture cómprecatam opórtuit.

Sic P, at apud Nonium p. 44 legimus: *épperrecta's té pro-*  
*digiali Jovi.*

Anl. 399 in P talis exstat

tu Machaério  
congrum, murenam | éxossata fác sient  
at apud Nonium bis (p. 17 et p. 95) legitur  
congrum, murenam exdorsua quantum potes.  
Hic quin lectio Nonii verior sit, nemo unquam dubitavit.

Bacch. 35 in P hiat

quid si | hoc potis ést, ut taceas, égo loquar? ‡ lepidé licet.

Saepius peccatum esse in transcribendis vocabulis *ut tu*  
monuimus § 15 (de Pers. 433). Charisius pag. 204 *tu* servavit,  
qua voce melior fit lectio:

quid si hoc potis est, út tu taceas, égo loquar? ‡ lepidé licet.

Men. 101

ceriális cenas dát, ita mensam | éxstruit.

Sic P. Festus autem pag. 310 pro *mensum* tradidit pluralem  
*mensas*, qui numerus cómmendatur forma *cenas*  
ceriális cenas dát, ita mensas éxstruit.

Poen. 356 AP cum hiato (alcyo AB alycio CD)

quàm mare olimst, cùm ibi | alcyo pùllos educit suos.

Priscianus I 26 autem et Fronto 225, 14 N tradiderunt sine hiato:

quàm mare olimst, cùm ibi alcedo pùllos educit suos.

Paul. 7, 16 testatur formam *alcedo* vetustiore esse; cf.

Cas. 26 *tranquillumst*, *Alcedonia sunt circum forum*; quibus locis satis confirmatur lectio non hians.

Neque tamen desunt loci, quibus viri grammatici contra codices nostros hiatum tradiderunt, velut:

Aul. 691

perii, mea nutrix, óbsecro te, uterùm dolet.

Sic codices recte, at Nonius pag. 229 *te* omisit

perii, mea nutrix, óbsecro, | uterùm dolet.

Pers. 534

quid metuis? ꝯ metuo hèrele vero . sènsi ego iam compluriens.

Sic AP, ubi Gellius V 21, 16 vocem *iam* omisit: *sensi* | *ego compluriens* aut *sensi egò compluriens*.

## § 12. De locis quibusdam, quibus Palatini ipsi de hiato inter se dissentiunt.

Postquam omnes locos perscrutati sumus, quibus in A aut in P hiatur, iam locos nonnullos adiciemus, quibus de hiato Palatini ipsi inter se dissentiunt. Ei quoque loci testabuntur, quam facile hiatus in codices manuscriptos invadere potuerit. Moneo autem me materiam non exhausisse, nam eos tantum locos afferam, in quos casu incidi.

Ac primum quidem eos locos persequar, quibus B codex non hiat, ceteri Palatini hiatum habent.

Men. 1152

in patriam redeámus ambo ꝯ frater faciam | ut voles.

Sic CD, at in B (et in A) habemus: *faciam ut tu voles*.

Cf. quae adnotavi ad Bacch. 35 pag. 45.

\*Merc. 485

vin patri sublinere pulere | os tuo? ꝯ sanè volo.

Sic Palatini codice B excepto. Qui praebet cum A:

vin patri sublinere pulere me os tuo? ꝯ sane volo.

Merc. 532

bono animo's : liberabit

ille té homo: ita edepol déperit : atque hódie primum vidit.

Sic B cum A. Ceteri Palatini *ita* omiserunt : *ille te* | *homo edepol*...

Most. 175

neque pátiar te | hanc grátiis laudásse, quae placét mi CD,  
neque patiar te istanc gratis laudasse, quae placet mi AB.

Stich. 450.

aliud posticum nóstrarum harum | aédium CD,

aliud posticum nostrarum harunc aedium AB.

Trin. 520

per déos atque homines dico ne tu | illum agrum CD,

per déos atque homines dico ne tu illúnc agrum AB.

Exstare etiam locos, quibus B contra ceteros codices hiat, non est infitiandum. Velut in versu

Men. 568 habemus in B hiatum, nullum hiatum in CD:

sed pállam non fert . ꝯ quid ego nunc cum illó | agam? B,

sed pallam non fert . ꝯ quid ego nunc cum illoc agam? CD.

De quo iudicandum est secundum ea, quae ad Mil. glor. 210 p. 22 diximus; eadem pertinent ad vss. Stich. 450 et Trin. 520 modo allatos.



## Conclusio.

Haec sufficiant. Nunc vero paucis complectamur, quae in nostra commentatione exposuimus, et perquiramus, quid ex ea redundet.

### § 13

Ac primum quidem plures hiatus repperimus in P quam in A, nam centum et decem fere locos congeSSI, quibus iam archetypum Palatinorum codicum biasse cognovimus, in A autem vix octoginta loci hiantes exstant, qui non hiant in P.

Tum monendum est nos tria corruptelarum genera statuisse.

I. Primum hiatus immigravit in alteram recensionem, quod exiderunt vocabula tota, sive per haplographiam in archetypo alterius classis, sive quia superscripta erant in archetypo communi, sive aliqua ratione, de qua non liquet.

Invenimus autem voculas quasdam minuscultas saepius intercidisse in utraque recensione, quo adiuvari mihi videntur ei, qui eiusmodi oculis suppletis hiatui mederi student.

Excidit autem

<b>ego</b>	Men. 301. Poen. 362. 701 in P,	
	Cas. 109. Men. 207. Most. 905. Poen. 340. Pseud. 1199 in A.	
<b>ex</b>	Mil. glor. 791. Pseud. 655. Stich. 431 in P,	
	Poen. 500. Pseud. 730 in A.	
<b>me</b>	Pseud. 375. 642 in P,	
	Mil. glor. 1135. Pers. 349. Poen. 1219 in A.	
<b>tu</b>	Pers. 184. Epid. 550 (ut tu A, uti P) cfr. quae adnotavi ad	
	Pers. 433 sq. § 15.	
<b>est</b>	Epid. 247. Poen. 594 in P, Most. 767. Poen. 1322	in A.
<b>sunt</b>	Pers. 549	" " Epid. 251. Mil. glor. 701 " "
<b>tibi</b>	Stich. 478	" " Epid. 154. Poen. 1053 " "
<b>in</b>	Most. 673. 950	" " Cas. pr. 66 " "
<b>id</b>	Rud. 576. Stich. 363	" " Trin. 385 " "

Nunc eas voculas proferam, quae nusquam in A, saepius in P exiderunt:

**ne** Cas. 111. 672. Mere. 461. Most. 937. Poen. 706 (qui(n)).  
Pseud. 371. 1315. Stich. 482. Trin. 378.

**ea** Cas. pr. 47. Men. 561.

**hinc** Poen. 1148. Pseud. 856.

**hodie** Most. 1067. Pseud. 373.

II. De secundo autem corruptelarum genere ut agamus, formae quaedam facillime in hiantes immutari poterant:

**laudavisse** in **laudasse** Most. 760 in P.

**dixisti** in **dixti** Poen. 1357. Trin. 556 in A.

**tute** in **te** Poen. 1381 in P, Stich. 708 in A.

**uti** in **ut** Pers. 696. Trin. 486 in P.

**illoc** in **illo** Poen. 1061 in P.

**illaec** in **illa** Mil. glor. 210 in P.

**istinc** in **hinc** Pseud. 33 in P etc. etc.

Porro quam facile *deludam* in *ludam*, *contollam* in *tollam*, *adiri* in *iri* mutari potuit!

III. De tertio corruptelarum genere id unum adiciamus falsas verborum collocationes inde derivandas videri, quod saepius voces in Ω suprascriptae fuerant.

### § 14.

Magis nunc attinet de archetypi communis specie aliquid proferre.

Atque non tot hiatus in Ω exstitisse quot in codicum nostrorum archetypis perspicuum est; nam multi hiatus, quos aut A aut P exhibent, altera recensione tolluntur i. e. ea lectione, quam genuinam esse, igitur iam exstitisse in Ω demonstratum ivimus. Fuisse vero etiam in Ω hiatus negare non possumus. Satis magnum enim numerum hiatuum AP una praebent, quos si non omnes, at certe aliquam partem Ω codici tribuerim. Omnes vero hiatus ea de causa Ω codici non tribuerim, quod facile fieri potuisse credo, ut voces quaedam aut in margine aut supra lineam ad tollendos hiatus ascriptae sicuti interdum in altera utra recensione omissae sunt, ita etiam in utraque recensione omitterentur. Ergo cavendum est, ne omnes hiatus,

quos AP una exhibent, utriusque recensiois communi fonti i. e. archetypo Ω, nedum poetae ipsi tribuamus, ut facit Lindsay, The Ancient Editions of Plautus (Oxford 1905) pag. 118 sqq. Archetypi communis verbis ne temere credatur, etiam eis locis commendatur, quibus grammatici contra codices Plautinos nullum hiatus praebent.

Non desunt autem, qui non solum eos hiatus, quos AP praebent, sed etiam magnam turbam eorum hiatuum poetae ipsi tribuant, quos in Palatinis solis legunt, id quod nostris temporibus fecerunt Birt, Jacobsohn, Klotz, Maurenbrecher, alii. At hiatuum Palatinorum magna pars est sublata lectionibus palimpsesti, quippe qui plus quam centum hiatus sustulerit. Igitur si totus palimpsestus esset servatus, plus quam trecenti hiatus Palatinorum tollerentur.

Atque etsi a quibusdam viris doctis lectiones hiantes has vel illas damnum traxisse demonstratum est, tamen eos quoque locos hiantes alii quibuscumque possunt machinis defendunt.

Defenderentur autem, nisi altera recensio praestantior lectionem servasset, hiatus hi, qui exstant

1. in quinary senarii iambici  
in P Cas. 92. 590. Epid. 490. Most. 760. 781. Poen. 701. 1061. 1369. 1381. Pseud. 871. Trin. 18.  
in A Cas. 579. 766. Men. 207. Merc. 544. Mil. glor. 23. 1135. Poen. 500. 964. 1015. 1053 (me). 1322. 1351. Pseud. 1069 (te). Trin. 447. 535.  
praeterea Aul. 399 in P contra Nonium.
2. in semiseptenaria senarii iambici  
in P Cas. 600. Pers. 696. Poen. 1053. Trin. 486. Truc. 374.  
in A Poen. 671. 730. Trin. 419. 556.
3. in monosyllabis, quae sunt in thesi  
in P Cas. 111. Poen. 706. Pseud. 197.  
in A Bacch. 496. 503. Mil. 701.
4. in me te  
in P Cas. 672. Epid. 671. Most. 1016. Pseud. 371. Stich. 293.  
in A Men. 207. Merc. 555. Most. 608. 609. Poen. 340.

Quodsi etiam in dihaeresi versuum longiorum et in personarum mutationibus hiatus, qui sunt in altera recensione, praestantior

alterius recensione scriptura tolluntur, discimus non omnes eos hiatus Plauto ipsi tribuendos esse.

Adiciam autem nunc hiatus, quos defenderet Jacobsohnus, nisi altera recensio eis locis meliorem lectionem praebere

5. in quarta arsi senarii iambici: Men. 258. Most. 673 et Poen. 430 (ubi personae mutantur), Stich. 431! 478 in P, Pers. 349 in A;
6. in secunda arsi septenarii trochaici: Capt. 907. Most. 992, Pseud. 373! 691! in P, Merc. 457! in A;
7. in sexta arsi septenarii trochaici: Pers. 529. Stich. 373 in P, Stich. 84 in A.

#### § 15. De coniecturis quibusdam probandis.

Postquam docuimus, quotiens et qua ratione in alteram utram recensione hiatus irrepserint, nemo dubitabit, quin ei loci hiantes, qui tantum Palatinis codicibus servati sunt, in suspicionem sint vocandi. Facile enim fieri potest, ut eis locis, quibus Palatini hiant, in Ambrosiani ea parte, quae est deperdita, nullus hiatus fuerit. Saepius autem tales hiatus probabilibus coniecturis sanati sunt aut sanari possunt, quas iam firmari puto eis, quae de corruptelis recensione A et P observavimus, velut hisce locis:

Most. 976

sit profectus péregre perpotasse | assiduo ac simul.

Hiatum a Skutschio forma *perpotasse* in *perpotavisse* mutata recte sublatum esse videtur testari Most. 760 ubi *laudasse* cum hiato P, *laudavisse* sine hiato A praebet.

Stich. 576 scribendum esse censeo cum Leone  
quin vocavisti hóminem ad cenam? ≠ néquid adveniēns pèrderem.

Leo ea scriptura hiatus removit, qui est in P: *quin vocasti | hominem* . . . Cf. Poen. 416, quem in P non possumus metiri, at in A recte legimus:

dedi dudum, priusquam me evocavisti foras A,  
dedi dudum, priusquam me evocasti foras P.

Cf. Epid. 130 *mandavisti* Bentleyus, *mandasti* codd. ἀμείρωσ.

Most. 1109 sq. tales sunt in P  
mē | emunxi ꝑ vide sis satine recte: num mucci fluont?  
ꝑ immo etiam cerebrum quoque omne | e capite emunxi meo.

Vidimus nonnullis locis in altera recensione esse hiatum cum forma contracta (velut *dixti*), in altera nullum esse hiatum et formam pleniorē. Itaque credo hoc quoque loco formas pleniores scribendas esse

me emunxisti ꝑ vide sis satine recte: num mucci fluont?  
ꝑ immo etiam cerebrum quoque omne e capite emunxisti meo.

Cf. versum Epid. 494 ubi *me emunxisti* legitur in AP

qui me emunxisti mūcidum minimi preti.

Simili ratione emendandus est versus Most. 552, quem, si formam *dixti* codicibus traditam adhibueris, in metrum cogere non poteris:

dixisti quaeso? ꝑ dixi inquam ordine omnia.

Pers. 433 sq.

mirum, quin tibi ego crederem, | ut idem mihi  
faceres, quod partim faciunt argentarii.

Sic versus legit Leo cum AP. At vocem *tu* post *ut* necessariam esse indicat vox *ego*

mirum, quin tibi ego crederem, ut tu idem mihi.

Vocem *tu* addidit Bothius. Ne in diiamba offendas, lege *tū idem mihi*, cf. Klotz Metr. 131 sq.<sup>1)</sup>. Cf. Bacch. 35 *ut taceas, ego loquar* P, *ut tu taceas, ego loquar* Charisius, Epid. 550 *si ego te novi animum inducam | uti noveris* P, *inducam ut tu noveris* A. Men. 1152 *faciam | ut voles* CD, *faciam ut tu voles* AB. Eadem coniectura sive emendationem dicere mavis sanandus est

Capt. 678

fateor omnia

facta esse | ita | ut dicis et fallaciis P.

Recte Camerarius: *facta esse ita ut tu dicis*. Cf. Trin. 1132 *est ita ut tu dicis, sed ego hoc nequeo miserari satis* P.

Truc. 89

mihi verba retur dare se | : an me censuit.

<sup>1)</sup> Cf. Cas. 134 quom mihi illa dicet: mi animule, mi Olympio.

Sic ediderunt versus secundum scripturam Palatinorum Goetz-Schoell et Leo; probanda autem videtur Lambini coniectura: mihi verba retur dare se(se): an me censuit.

Cf. versum Stichi 84 *in se | admiserint* A, *in sese admiserint* P.

Truc. 400 nullum metrum habet in P:

bona sua me habiturum omnia esse ꝑ ausculto lubens.

Cognovimus interdum metrum turbatum esse, quod voces super versus positae in falsam sedem migraverunt. Itaque probabile est in hoc versu *esse* supra lineam ascriptum fuisse in archetypo Q et in archetypo P in falsam sedem migravisse, scribendum autem non esse cum Camerario et cum Goetzio-Schoellio: *bona sua med habiturum omnia* ., sed

bona sua me esse habiturum omnia ꝑ ausculto lubens.

Verbum *esse* saepe apud Plautum post *me* ponitur cf. Truc. 390 *verum adsimulasse me esse praegnatem haud nego*, Pers. 349 *neque me esse arbitror*. Ante infinitivum futuri positum est Pers. 400 *quidnam esse acturum hunc dicam vicinum meum*.

Poen. 301 neque in A neque in P videtur recte servatus bono me | esse ingenio ornatam quam auro multo mavolo A.

In B: *bono me ingenio | esse ornatam* ., in CD *bono | ingenio me esse ornatam* . Goetz-Schoell et Leo Bothium secuti ediderunt

bono med esse ingenio ornatam .

At ego crediderim lectionem genuinam fuisse bono (ego) me esse ingenio ornatam quam auro multo mavolo.

Voculam *ego* saepe excidisse cognovimus, cf. § 13 s. v. *ego*. Atque hoc loco recte inseri argumento est versus 303, quem Ritscheliut ab interpolatore ortum optimo iure seclisit. Versus subditicius ex genuino (301) videtur natus, nam talem habet speciem:

bonam ego quam beatam me esse nimio dici mavolo.

Truc. 532

suae fuere | ambae: earum patriam ego excidi manu.

Crucem posuerunt Goetz-Schoell; ego sequor Leonem, qui hac ratione versus emendavit:

suae fuerunt ambae: earum patriam ego excidi manu.

Cf. Trin. 535 ubi *abiere* cum hiato A, *abierunt* P et Nonius sine hiato.

In tribus versibus, qui sequuntur, *ut*i pro *ut* scribemus:  
Amph. 599

ordine omne, *ut*(i) quicque actumst, dūm apud hostes sēdimus.

Deletur hiatus: *ordine omne | ut quicque* . . Cf. § 4β Pers. 696.  
Trin. 486, ubi P cum hiato *ut*, A sine hiato *uti*.

Pers. 685

cruminam hanc emere aut *fācere*, *ut*(i) remigrēt domum.

Sic etiam Leo scripsit. AP exhibent: *fācere | ut remigrēt domum*.

Poen. 1289

iām pol ego illam pūgnis totam *fāciam*, | *ut* sit mērulea.

Forma *uti* hiatus deletur: *faciam, ut*(i) *sit merulea*. Cf. Pers. 696. Trin. 486, quos modo attuli.



## Index locorum.

		pag.			pag.
<b>Amph.</b>	599	54	<b>Merc.</b>	259	19
	739	45		457	28
<b>Aul.</b>	399	45		461	10
	691	46		485	46
<b>Bacch.</b>	35	45		515. 544	43
	489	8		532	47
	496	38		555	41
	503	39	<b>Mil. glor.</b>	23	28
	535	7		210	22
<b>Capt.</b>	678	52		256	10
	907	2		401	28
<b>Cas.</b>	47	8		701	32
	51	25		791	10
	55	15 (adn).		1135	28
	66	27		1409	11
	91 sq.	5		1411	29
	106 sqq.	33	<b>Most.</b>	175	47
	111	8		593	44
	114	18		607 sq.	29
	579	33		609	32
	590	18		673	11
	594	25		676	19
	599 sq.	2		682	17
	672	8		760	23
	763 sqq.	27		767 sq.	11 et 34
	1008	33		780 sq.	3
<b>Cist.</b>	516	42		793	11
<b>Epid.</b>	5	8		905	34
	26	31		932	26
	153 sq.	28		937	11
	246	9		949	26
	251	32		950	12
	475	9		971	5
	485	33		976	51
	490. 550	9		992	25
	621	18		1016	12
	622	9		1053	19
	671	3		1067	7
<b>Men.</b>	101	45		1109	52
	207	34	<b>Pers.</b>	183 sq. 298	12
	258	19		349	34
	301	10		433 sq.	52
	560 sq.	3		529	12
	568	47		534	46
	1132	42		549. 576	13
	1152	46		591	34

		pag.			pa
<b>Pers.</b>	600	17	<b>Pseud.</b>	1199	37
	685	54		1216. 1315	15
	696	23		1333	31
<b>Poen.</b>	301	53	<b>Rud.</b>	219	21
	340	34		561	22
	345	35		576	15
	356	46		581	31
	362	13		730	26
	375. 386	39		777	37
	430	23	<b>Stich.</b>	75	37
	449 sqq.	29		84	30
	455	42		90	6
	494	19		154	5
	495	4		261	44
	500	35		289	40
	574	39		293	24
	582	20		361	37
	594	13		363	15
	601	38		373	4
	671 sqq.	35		392	22
	701	7		431	16
	706	13		450	47
	730	39		478. 482	16
	912	26		519	30
	921	3		548	37
	964	30		576	51
	1015. 1053	35		703 sq.	16
	1061	23		708	41
	1116	30	<b>Trin.</b>	18	27
	1147 sq.	6		62	22
	1162	20		194	41
	1219	36		241	43
	1226	25		282	17
	1289	54		378	17 et 37
	1322. 1351 sq.	36		385	30
	1357	40		419. 447	43
	1369. 1381	20		486	24
<b>Pseud.</b>	33. 133	20		520	47
	200. 306 sq.	21		535	41
	197	4		556	42
	371. 373. 375	14		560. 756	38
	421	21		1071	41
	642	4		1072	30
	655	14	<b>Truc.</b>	89	52
	685	21		136. 215	17
	691	40		220	22
	716. 730	36		228	17
	739	26		302	7
	856	14 (adn.)		369. 374	24
	866 sq.	15		400. 532	53
	871	23		560. 756	38
	1069	40			

## Vita.

Natus sum Eugenius Krawczynski a. d. Kal. Apr. anni LXXXI saec. praet. in oppidulo quodam provinciae Posnaniensis, quod vocatur Sarne, patre Maximiliano et matre Olga e gente Gerstenberg, quos pio gratoque animo colo. Fidem profiteor catholicam.

Litterarum primordiis imbutus in schola publica, deinde in schola privata oppidi Gostyn, Halas Saxonum ad parentes matris meae migravi, qui ut gymnasium civicum frequentarem benigne effecerunt. Vere anni huius saeculi I. testimonio maturitatis instructus inter cives universitatis Halensis receptus sum ibique per tria semestria studiis philologicis et historicis me dedi. Deinde per duo semestria Vratislaviae eisdem studiis me dedi. Denique Halas reversus studia continuavi. Idibus Iuliis anni h. s. V. Halis examen pro facultate docendi superavi.

Scholas frequentavi virorum clarissimorum Vratislaviensium: Baumgartner, Foerster, Freudenthal, Hoffmann, Kampers, Kaufmann, Norden, Skutsch, Zacher; Halensium: Bechtel, Blass, Dittenberger, Fries, Ihm, Ed. Meyer, Maurenbrecher, Robert, R. Schmidt, Uphues, Vaihinger, Wilcken, Wissowa.

Ad exercitationes me admiserunt viri clarissimi archaeologicas Foerster, Robert, philologicas Bechtel, Blass, Dittenberger, Foerster, Norden, Skutsch, Wissowa, historicas Cichorius, Ed. Meyer, Wilcken, Kampers, Lindner.

Quibus omnibus viris doctissimis (imprimis vero Francisco Skutsch, qui largo suo consilio hanc dissertationem auxit, et Georgio Wissowa, qui me Halis in studiis meis philologicis benignissime adiuvit) gratiam maximam habeo semperque habebo.

